

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY  
JUL 29 1946

5

T2252.8/1242



水字號

三月

九日

三月

九日

三月

九日

張香柳朱氏文譜卷之二十一

成 嗣 公 譜 像





永字號

道光八年  
三月公驗

道光九年  
三月覆校

道光二十二年  
二月三校

道光壬寅年奉

憲示嚴禁私押違  
者與受均請官究

道光二十六年  
仲冬月四校


張香都朱氏支譜卷之二十六

成叔公遺像



哈佛大學漢和  
圖書館珍藏印

十一世孫份謹書



傳畧銘贊

長香都朱氏支譜

卷二十六



咸豐五年冬  
十一月五校

咸豐八年冬  
十一月六校

成叔公遺像贊 并序

昔孔子立乎定哀以指隱桓。事多傳疑。論者比之望遠。察貌而不察形。况真求形貌於數百年前。其杳冥恍惚。固無足怪。然而頎然之容。遇諸彈琴。積誠所至。未始不可得。若夫祖宗舊像。氣聯脈貫。則尤當思其笑語。而儉愾如見聞者也。余十世祖成叔公。生明宏治中。年八十有三。亦越於今。約如隱桓。逮定哀之數。生平行誼。故老莫詳。獨遺像一幀。自公孫未耑公以來。緘弄維謹。每度歲輒懸之。潢治屢。尚無漫漶。圖本爲介壽作。公偕配坐聽事。中楹。綵衣輩左右旁侍。婦孺隱帷幙。階東西鼓吹具。前有亭。遙望冠帶二人。騎馬將及門。門內迓者。僮俟。導賓。謙從。奉幣似獻狀。蓋公嘗署耆宿。有司器重。此稱祝殆。卽邑令耆宿佐鄉政。必品概顯卓。宗親饜服。始稱厥選。職與漢之三老同。漢制三老。又有嗇夫游徼。而三老主教化。視嗇夫之主賦役。游徼之主盜賊。爲更切。大抵本周官間師比長。各掌教事。書其敬敏任卹者。而入學考校之法。卽寓焉。故得

風俗醇懋。里黨晏然。尠鬪爭以扞文網。後代曰鄉約曰保正。計戶輪值。最輕且賤。宰願使若徒隸。甚或笞辱士人。率恥不爲。嗚呼。教化之衰息。而奸慝萌蘖。豈必不由乎此也。當公時。禮貌隆盛。猶仿古意。觀茲圖。可識其概。公旣教於鄉。因教於家。子黼若公。績學有聲。逮未耑公。列庠序。踰數世。科第簪纓。蔚興競。補弟子員者。統分甲祖。用鏗公而下。幾百人。公裔居三之二。仰溯貽謀。淵源永沫。能弗瞻像而生戀歎哉。先祖像或存或亡。頃修支譜。專摹公像。譜斷自公尊始也。公不別立傳。湮難徵實。懼誣也。傳闕而爲贊。所以寄追遠之思。繩繩勿替。贊曰。

貌不孱而古。行不華而厚。肅然者其身。藹然者其偶。稱曰耆宿。朝命斯受。著望於鄉里。棲神於巖藪。遺經於子。而克昌厥後。終乙亥。生癸丑。墓與祠近。像有孫守祀。影堂一千餘人之繁。景畫圖二百餘年之久。予小子兮。新撰辭。謹摳衣兮。拜稽首。緬儀形兮。耿如在。儼班隨兮。同上壽。



賜進士出身 日講起居注官 尚書房行走右春坊右贊善前翰林院侍講  
十世孫琦謹撰

樂吾公傳

公朱姓諱快字樂吾涇張香都人考旗峯公生三子伯傳一世遠絕仲卽琦六  
世祖覺山公也公爲季旗峯公年三十六卒事妣汪謹甚家素約又值祖考黃  
田公新徙宅百務草創幾不振惟公能恢宏而崇起之秉性和平有深識故所  
謀輒遂田疇日饒稱族中翹楚覺山公鄉居厚德公服賈所入胥分潤式好無  
間喜行善省已利物勤且摯邑郭外五里曰上坊渡當孔道商旅病涉子宜仲  
公以告公急命倡建津梁役克集他類是者尚衆敦睦堂自旗峯公而下萃祀  
焉其地曩多屬公羣議改卜舊聽事立祠規模丕煥居常舉陰隲諄勗後嗣儲  
金若干置計簿署曰間黨施惠取諸此如卹鰥孤以義倉襄賑糶於饑歲修城  
垣創館舍皆出公貲今猶守勿替昔孟子謂君子之澤五世而斬蓋服盡則親  
盡親盡則情盡卽澤之垂也亦若雨滋草樹信宿曠乾山下泉經歷澗壑漸歸  
微茫溯公沒康熙壬申百三十餘年雲初世數旣倍增而綿綿未艾國僑遺愛



彌著人口。然則公貽謀誠閱遠。而生前之噓枯拯涸。固從可知矣。晚歲優游梓里。課子恢先公讀書。以續黃田公青箱之業。學成惜早逝。公春秋七十有一。子亦三。長伯晉公諱縉。次卽宜仲公諱紳。恢先公諱緒。又其次也。裔孫或官郡守。得鄉薦。入庠序。足慰公志。現存丁男已三百有奇。

述曰。少時嘗於歲暮拜公像。傑魁人也。顧善氣。隱然見眉宇。博求遺跡。故老猶有能道者。皆亟稱公才智。竊謂才而德。智而兼仁。卽已事可徵也。來孫芝亭茂才。漁村明經。屬爲傳。詩云。無念爾祖。二君念之矣。族繁庶。源遠將末益分。惇叙勵翼。尚繩厥武哉。

賜進士出身 日講起居注官 尚書房行走右春坊右贊善前翰林院侍講  
姪裔孫琿謹撰

### 公揚公事畧

公揚公諱武烈。余伯曾祖也。考世美公生子二。公居長。次卽我曾祖東園公。世美公早卒。妣胡性慈柔。繼姑頗嚴。公事母。曲盡孝養。家素貧。中年服賈務儉勤。乃稍自給。遂與東園公構新第。以娛母。母已失明。落成時。負而至。舉手捫柱。有喜色。曰。我苦志一生。今幸爾等克家。眸如炯矣。公清標鶴立。而音吐洪亮。遇里黨糾紛。論議侃侃。距里許。尚隱約可辨。性友愛。東園公外出。家事一聽公。公處置周詳。門以內無間言。撫姪如子。尤屬意讀書士。諸姪中。惟我祖沛深公業儒。公別授已室兩椽。爲膏火資。壽八十餘。猶健。值恩賚粟帛。并

賜進士出身 日講起居注官 尚書房行走右春坊右贊善前翰林院侍講  
賜進士出身 日講起居注官 尚書房行走右春坊右贊善前翰林院侍講  
賜進士出身 日講起居注官 尚書房行走右春坊右贊善前翰林院侍講



姪曾孫琦謹述

公諱武勳字燕侯國子監生涇縣黃田人性純孝幼喪父哀毀骨立遂廢書服  
買養母母病且瞽公既痛父早喪母又篤疾歲時常號痛于野凡動息飲食必  
依母側百計求得歡心母亦遂忘其爲失明也事伯兄叔父恭謹無分財好施  
與尤篤宗誼族子某少孤流落他縣公千里訪得之爲置室家有單丁貧不能  
得妻者爲婚娶謀生業遂以繁衍嘗置義田百畝以歲租分給貧族擇謹愿子  
弟司出入至今母敢亂公法橋梁道路社倉義塚有利於鄉之事竭蹶營措恐  
後又念鄉愚懵昧爲講說孝友睦婣大義暨  
朝廷典章刑律使知所懲懼不蹈非法有釁則排解不遺餘力或捐資不復取  
償尤重讀書士自以早歲遠賈未隸庠序歉然于衷先是寧國郡學頽壞議修  
未舉行公晚歲乃簿籍所餘薄權子以遺後人曰吾不及見郡學之成死不瞑  
目汝曹能成吾志不愧朱氏子孫嘉慶初公孫行捐私財修復之成公志也嘗

燕侯公傳

公諱武勳字燕侯國子監生涇縣黃田人性純孝幼喪父哀毀骨立遂廢書服  
買養母母病且瞽公既痛父早喪母又篤疾歲時常號痛于野凡動息飲食必  
依母側百計求得歡心母亦遂忘其爲失明也事伯兄叔父恭謹無分財好施  
與尤篤宗誼族子某少孤流落他縣公千里訪得之爲置室家有單丁貧不能  
得妻者爲婚娶謀生業遂以繁衍嘗置義田百畝以歲租分給貧族擇謹愿子  
弟司出入至今母敢亂公法橋梁道路社倉義塚有利於鄉之事竭蹶營措恐  
後又念鄉愚懵昧爲講說孝友睦婣大義暨  
朝廷典章刑律使知所懲懼不蹈非法有釁則排解不遺餘力或捐資不復取  
償尤重讀書士自以早歲遠賈未隸庠序歉然于衷先是寧國郡學頽壞議修  
未舉行公晚歲乃簿籍所餘薄權子以遺後人曰吾不及見郡學之成死不瞑  
目汝曹能成吾志不愧朱氏子孫嘉慶初公孫行捐私財修復之成公志也嘗



謂報施之說。儒者難言。而其理不易。天之于人。每視其所積之大小厚薄。以爲贏縮。若屑屑比較而計償之。綜公生平樂於爲善。皆有名跡事實可按。非有所冀倖而爲之也。而天之報之。亦不遺餘力。自公至今。僅六世。丁男凡四百五十餘人。秀者登巍科。籍仕版。官封疆。卿貳布列中外。曾孫理琿。尤有聲。公以理貴。贈通奉大夫。自餘子弟。皆醇謹守法。不隳其門風。海內言門第有家法者。輒稱涇朱氏云。嗚呼。顯矣哉。

論曰。吾讀漢書萬石君傳。石君及四子皆二千石。子孫爲小吏。至二千石者十三人。後漢書鄧禹傳。列侯將軍守牧。殆百餘人。兩漢之隆盛。未有若兩家者也。然史稱石君諸子。馴行孝謹。范史稱禹亦第言閨門雍穆。甚矣哉。內行之難也。公與先鄉賢公先後請入祀鄉賢。邦人各奉粟主於瞽宗。歲時祭祀如禮。此亦足以堅爲善之心矣。蘭坡爲公會孫。與余爲同年生。交最篤。列公事實屬作傳。夫余言何足以傳公。然益以知蘭坡之賢所自來矣。

### 賜進士出身

誥授資政大夫兵部侍郎兼都察院右副都御史巡撫江蘇等處地方督理糧餉前安徽巡撫兼提督銜安化陶澍頓首謹誣



炳章公墓誌銘

嘉慶二十有一年冬十月。族伯父奉直公後人。葬公于邑南鄉茂林都茅裡坑之原。距公之歿五十四年矣。蓋其慎也。先事以窆石之文屬寵。寵於公夙佩其德。弗敢辭。吾族自茶院公。歷六世至中孚公。由婺源遷涇。又歷九世至宗原公。有子三人。公爲福蔭公。房寵爲祖蔭公。房福蔭公。傳至公。又十三世。公會祖諱明情。祖諱文綸。世有隱德。弗曜考東園公。諱武勳。以曾孫理貴。

馳贈通奉大夫。崇祀鄉賢。妣汪夫人。公兄弟五。於次居長。性孝友。自爲兒童。不好戲弄。長慨然有志四方。東園公敦樸遜讓。棲心淡泊。公偕弟仲起。公薄遊漢陽。謀奉甘旨計。旣復與族弟景文。公客豫章。經營創置。家日隆隆起。東園公以是意志益安舒。膳羞馨潔。優游天年。而其後子姓數千百指。居同宅。賈同業。學同塾。詩禮雍容。科第蟬聯。亦罔不基於此。公胸次超豁。雖起家艱難。雅不屑較計錙銖利。或以困乏有稱貸。必應之無吝色。嘗見族人之無告者。輒惻然憫之。



以爲是與吾有一體誼。顧吾力弗克如吾意。難徧及時。時舉以語其後人。而凡義所當爲者。亦無不示之以所志。厥後倡設義倉。公後人先後解橐。出數千金。其餘善舉。咸不惜重貲。隨事樂成之。承公志也。平日訓子孫。以禮讓立身。以忠厚傳家。後人莫不敬遵之。今嗣裔幾盈百。率能循循孝謹。見者以爲不失萬石君家風。寵嘗瀏覽紀載。見古人煬和抱德。澤延苗裔。史必書之。以爲勸。然惠迪積善。聖人固嘗言之。天道人事。理無或爽。於公而益知其有徵已。公諱慶霞。字炳章。太學生。

馳贈奉直大夫。以乾隆癸未六月二十五日亥時卒。距生康熙丙寅四月二十日寅時。春秋七十有八。配宜人胡氏。生有淑德。治家勤儉。公客遊。凡堂上之奉。以及纖細諸務。爲之皆井然有條理。公樂善。胥有以贊助之。先公~~校~~年卒。年七十有~~五~~。生康熙丙寅六月初三日辰時卒。乾隆辛巳三月初三日卯時。俟別葬。子二。長安潤。太學生。

贈朝議大夫。次安兆。太學生。

贈奉直大夫。女一。適太學生胡公先德。孫四。苞。蓀。俱州同。

贈朝議大夫。蕙。布政司理問。

授奉直大夫。萼。太學生。

贈奉直大夫。曾孫十一。修。乾隆己酉科拔貢生。

贈朝議大夫。佩。廩貢生。一相。布政司理問。本布政司理問。

封朝議大夫。格。戶部陝西廣東廣西司郎中。四川嘉定府知府。

授朝議大夫。一榮。布政司理問。份。廩貢生。署盱眙訓導。歙縣教諭。嘉慶己卯科舉人。佑。

嘉慶戊辰

恩科副榜。績谿縣教諭。棟州同。

贈奉直大夫。一材。州同一杓。布政司理問。元孫三十一人。來孫三十六人。弟孫一人。寵爲公猶子行。少嘗以歲時望見顏色。繼與公後人締家庭交。會元輩多



有就寵問業者。故於公生平爲頗悉。謹綴次其崖畧。而繫之以銘。其辭曰。  
人生陰德。有似耳鳴。上天之鑒。寂無不聞。含真抱樸。不言躬行。子孫保之。惟吾  
德馨。卜云其吉。以妥先靈。萬載千年。視斯文。

賜進士出身。徽州府教授。候選內閣中書族姪。寵謹撰。

仲起公墓誌銘

伯祖仲起公之歿。蓋數十年矣。余鄉卜地最難。久之乃克塋。從兄菜告曰。營兆  
有期。礪貞石。俟爲銘。勿緩。珣懼然愧不文。而分屬卑幼。宜闡揚懿行。謹齋祓而  
綴辭。公朱姓。諱必達。又名震。仲起其字。太學生。先以孫茂銜

贈。贈儒林郎。繼以菜

晉贈奉直大夫。先世由婺源徙涇。溯始祖茶院公。二十七傳而至公。曾祖考諱  
明情。祖考諱文綸。考諱武勳。

贈通奉大夫。崇祀鄉賢。妣汪氏。

贈夫人。公兄弟五人。次居二。敦孝友。輕財利。通奉公年老。家外事一倚公。身先  
勞苦。重任不以分。好施濟貧乏。或時丐貸。度難償。卽潛然其券。凡通奉公所欲  
澤於鄉者。先意承志。有范忠宣解麥舟之風。年未五十。卸裝歸。足不履市門。而  
宗親紛難。咸取衷焉。余鄉重祠堂。敬宗收族。褒秀抑頑。於是乎在。公綜大綱。鈞



強香齋文上三言 卷二十一  
稽出入必詳慎。春秋妥侑。粢盛牲醴。宿戒罔弗虔。新園爲文社。督其課。往還十餘里。雖早曠雨雪不少避。如此者踰三十年。故歿後。公修祭奠。請入祔。迎主日。旗纛巨里許。紳士服章服。奉爵博山鑪前導。尊嚴若神。旄倪來觀。填溢衢巷。嗟嘆以爲榮。祠之不遷。祖爲用。鏗公珩以上蓋十二世。支派殆萬。合而聚一區。諸務糾錯。驟不可爬梳。而公獨如置欵器於正。繁理悍柔。動奕世之思。通奉公祀於邑。公祀於鄉。事雖殊。其制行之孚人人則一也。公又念累代忠厚。而讀書未克竟。宜振起之。乃創例。給薪水。條列優格。自補諸生。至入詞館。獎有差。值賓興歲。單寒士。廣餽饁以勸。厥後鶚薦纍纍。惟公之賜。疾里俗新喪用浮屠。會病劇。遺命禁草。示子孫。世世毋敢違。伯父遵先公奉其訓。鄉鄰化之。舊習遂變。嗚呼。佛法入中國。上之同泰。可捨身。下逮公卿士庶。奔走稽顙。惟恐後時。皋某一呼。緇徒競入室。鉦鼓鐃鈸。雜梵唄聲。喧徹夜。處苦幽。聽而忘哀。忍視吾親爲罪。讐叢積。藉禳於羣髡。比戶齊軌。覩不知怪。乃能卓然立流波殞蕩之中。砭訂愚瞶。

垂則來葉。雖程叔子司馬溫公家法。無以過。生平尚義難悉舉。觀數大端。其可登間師之書。而無愧色矣。乾隆三十六年三月戊辰公卒。距生康熙三十一年二月己丑。年八十。配氏胡。秉姿婉孌。事尊章以孝。曾祖妣愛之。歲時受賚邁等儕。然無驕容。於諸姒娣。推甘讓腴。恒掩覆細故。公出外久。歸又董祠事。治家教子。亦內助爲多。先公八年卒。年七十有一。贈安人。

晉贈宜人子一。卽遵先公諱法。貢生。

封儒林郎。

贈奉直大夫孫八人。藩太學生。

贈奉直大夫華太學生。

贈朝議大夫茂布政司理問。蘇太學生。

贈修職郎菊州同。苔莘俱太學生。菜州同加二級。曾孫三十人。煥廩貢生。宿州



學正煜太學生。

封朝議大夫焜布政司理問燁授九品銜。

封奉直大夫煊乙卯舉人。滁州學正灼庚午副榜。亳州學正煒太學生。虹布政

司理問煌太學生。任授九品銜熾太學生。

封朝議大夫煇州同燧太學生。燾太學生。

封朝議大夫炯太學生。焯州同所太學生。逢吉邑庠生。熾熿燦太學生。焯焅焆

太學生。煖炳煇燉燉燃元孫七十人。宗慶丁卯副榜。宗壇州同加四級。宗靡州

同加二級。宗麻邑庠生。來孫二十四人。胡宜人已別葬。今葬公某山之原。銘曰

宗以族得民。宣歙間遺意未湮。推爲長督。其德清且溫。破惑草俗。如陶有甄。緬

典型九原。式拓斯阡。以綿歷億萬年。

賜進士出身。日講起居注官。尚書房行走右春坊右贊善前翰林院侍講

姪孫琦謹撰

### 封若公傳

余與朱君秋厓同館舍者數載。秋厓醇謹溫雅。恂恂不失古風。平日談次。及其先德遺事。益知世有令聞。家法秩然而如封若公者。於近今尤不可多得。公諱桐。封若其字。爲秋厓五世祖。世居張香都之黃田村。少席先人業。潛心典籍。於學卓有所得。顧數竒。卒不得志於有司。性端直。治家尙嚴整。婦孺羣處。庶務紛錯。歲時燕會。娛樂笑言。一聞公履聲。則皆屏氣歛息。無敢譁者。及其與外人接。雖介然自守。而容貌辭氣。未嘗不樂易可親。族黨事涉疑似。衆莫能決。公爲之判剖辨析。咸翕然服其精當。其或爭競轆轤。因公言而解釋者。十恒八九。蓋其讀書多。見理明。而又出之以真誠。故與曲意容徇。及夫虛聲恫喝者異也。公旣不得志於有司。晚遂以酒自娛。賓至輒歡然命酌。往往轟飲達旦。而神明不少。耆亂壽七十有四。乃卒。以余所聞。公固卽前人所謂不言而躬行者。往時風氣淳古。人皆習見不覺。迄今思之。鮮不以爲難能可貴也。余故詮次公事。而彌有



感於今昔焉。

嘉慶甲子科舉人丁丑大挑一等籤掣陝西候補知縣同里後進胡世敦謹撰

嘉慶甲子科舉人丁丑大挑一等籤掣陝西候補知縣同里後進胡世敦謹撰

字清公墓誌銘

嘉慶丁丑秋琦將之官山左適得南中書舅家以十有二月癸酉合葬外祖與外祖妣于本鄉路西冲之兆其家侍講琦謂琦曰古昔祖考有德美于時者其子若孫得為器以銘子於余伯祖外孫也曷例此一序而銘之琦竊惟古經外親之服不過總麻外祖父母獨小功傳曰尊也而其實推之母則又親也尊親之義大矣琦不幸生十六而孤先孺人以養以教得以立於外家往事知之諦亦先孺人教也其又曷敢以不文辭按外祖先世婺源朱氏與徽國文公為近支南宋初遷涇曾大考明情

賜六品頂帶大考文綸考武勳國子監生祀鄉賢祠

贈通奉大夫外祖諱慶霸字字清通奉公所出五外祖次居三一時昆季行悉以辛勤振大其家外祖獨俯視世事泊如也居鄉黨日陶陶然其口不設雌黃其心不區畛域古之上德人不是過之性好善孳孳不倦居嘗舉古人高義與



今事所當爲者以勗諸舅氏諸舅氏咸誌之不敢忘其後葺黌舍創義莊立家塾賑卹洽宗族德惠敷行旅諸舅氏罔不承志行之所費自數百金以至千金者不一而足蓋外祖之詒謀遠矣外祖歿時距琦之生十八年德容未親炙元配安人爲我族性孝婉持大體以母家先世故貧十數殯未克舉亦承外祖志屬舅氏塋焉鄉里羣高其義婦賀暨胡皆早孀咸善遇之若子俾各撫其子用孝養撫其孫登甲第列庠序亦以遂成厥志蓋外祖之志常以樂善讀書爲第一義雖不得其身而獲成于安人之身以及其子孫嗚呼其可銘也已記琦就傳年隨先孺人歸祝安人九十壽卽得聆往事不忘而先孺人又早度十年宅矣痛哉外祖于康熙三十三年九月十九日生乾隆二十三年七月十七日卒卒後

贈儒林郎

嘉慶二十五年 覃恩賜贈 承德郎 湖北黃州府通判

安人于康熙三十五年十有二月十九

日生乾隆五十年正月二十八日卒生前

封安人

嘉慶二十五年 覃恩賜贈安人

男子六安泗鄉飲賓

贈儒林郎安潛

贈儒林郎安源安得皆國子監生安浪

賜八品頂帶安衡州同知

封奉直大夫女子一歸先孝廉孫十四人芑布政司理問蒲州同知著國子監生熙強蘋

賜八品頂帶英芹范蔣皆授九品銜葵

封奉直大夫菁附貢生舉孝廉方正授南康府通判萱萊曾孫三十五人椿國子監生愷廩膳生含通皆國子監生廷棟庠生楣甲戌進士分發江西卽用知縣豫章天津興國場鹽大使魁旦探俶國子監生熬凌雲庠生廷模庠生錫寶書丙子鄉魁銑慊雲國子監生皞廷楹庠生炯燮瑚燾篆書昀祥翼書焯煨湯書賜祥簡書燔燿元孫六十二人來孫十三人銘曰



引者者之上言  
九二二一  
渾渾爾物乃理穆穆然德乃完匪惟完其德抑乃庇其所自出華之跗矣苗之實矣敬承祖德永無極矣

賜進士出身山東費縣知縣前翰林院庶吉士充 國史館纂修外孫胡世琦 謹撰

輯五公傳

余少聞鄉有隱君子曰朱輯五先生者義甚高未嘗見也既而館黃田朱氏之肆雅堂距先生居不三里時先生已歿獲見其伯子心園明經詢諸主人謂有公風矩云乾隆己酉朱氏義學初落成心園首延余主講席從學九人公之孫居其三心園時時督課其中聞述先德語益詳且請曰家君行事先生聞之悉乞作一家傳可乎余唯唯不敢辭乃撰文曰公諱慶瑞字輯五邑張香都人居里之謝塘今所居師儉村在北亭都界其晚年卜遷宅也少讀書應試考閱臣公春秋高兄聘三遠服賈委公定省責且屬母外出公遂絕意進取專壹奉養以終天年兩事繼母皆以孝聞聘三公中殂喪公以一人上養親下撫諸姪同居廿載無間言仲父早世遺孤儼然公事孀如母撫弟如子薪米之屬常陰飲之不令仲母知弟質則給以貲弟亡則返其喪手製哀詞哭之讀者感泣復撫兩姪如其父姪又亡公嘆曰吾叔絕矣更以次孫嗣焉其孝友終始不衰蓋



天性云。季父允明公常語人曰。吾姪仁義人也。鄉有險詖者數輩。私語曰。此君義氣深重。我曹當謹事之。其爲中外敬憚如此。性方嚴。不能假借。嘗作咏懷句云。理是何妨。惟有我。心非斷不曲。從人風裁剛勁。畧可想見。平居嫉惡若讐。及其勸人爲善。則慙懇靡已。故人皆畏而愛之。或相鬪。很忿爭。聞公言咸熱服。嘗有尋闕伯實沈之怨者。公譬之。累日夜不解。主人厭苦。至形于辭色。公不爲意。卒感悟。修好如初。其解紛多類是。公有人倫鑒。尤好引掖後輩。族子弟輒軻者。加以拂拭。往往能自立。輒感公知己恩。不忘家故。不豐而濟困扶衰。力行弗倦。里中永隆橋圯。公曰。此先考遺澤也。奮然捐三百金。糾衆更新之。子姪以力絀告。不答。其義舉一本孝思。時人偉焉。晚歲客遊楚蜀。蓄薄貲。歸購田。將營新宅。預名其村曰師儉。取漢書蕭相國傳語。以誡子孫。旣底法。未及葺工而卒。年七十有七。卒之日。里人無老幼。皆爲流涕。有來弔者。哭之慟。出語人曰。公恩我。曩吾父死。我哭之。未若今之哀也。聞者怪其言。而莫喻其故。蓋公生平多陰德。揜

瑕覆過。終身不言。雖其親暱不及知也。公三子。長君心園。次君漢侯。皆以孝義著聞鄉里。其季子樂侯。與余齊齒。才氣揮霍。克新堂構。庶幾能恢先業者。論曰。世常言古今人不相及。若先生之行誼。卽以輩陳仲弓王彥方諸君子。何多讓焉。余聞朱氏多善人。先生豈其尤歟。心園語余。少時困童子試。常欲棄業。先君子輒怒弗許。蓋公雅志儒書。以事親故。願未遂。故其篤于教子。必斲成立如此。然心園雖以明經老。而公諸孫。今從余遊者。皆英年嗜學。有聲黌序間。意者其有以成公志乎。余方拭目俟之。

乾隆戊申歲貢生候選訓導同邑褐夫葉瑾謹撰



公諱慶霖。又名廣。字昆彩。太學生。先世婺源朱氏。自古僚公五傳至中孚公。宋  
 南渡初遷涇。又十八傳入  
 國朝諱明情。為公會祖考。諱文綸。為公祖考。諱武勳。  
 贈通奉大夫。祀鄉賢祠。則公考也。妣汪氏。  
 贈夫人。兄弟行。公居第四。其季則珩。大父公歿時。逮珩之生。垂二十年。今老成  
 凋落。罕能詳道者。猶憶大父言。少讀書。諸兄外出。惟昆彩兄理家事最久。奉嚴  
 君和戚黨。纖悉必周。有所入毫髮不自私。使我先在塾。後居漢陽。無室家憂者。  
 皆兄力。珩謹識之。弗敢忘。迨長。撰杖屨于伯父硯山公。伯父公冢嗣也。每向暝。  
 坐廳事前楹。俟稠集。語先人時事。間至深夜。眾咸去。珩猶悚息聽。硯山公曰。我  
 父性平易。遇事則奮。雖盤錯皆有條。處家以儉。布衣蔬食。泊如也。及鄉里災旱。  
 賑貸無少吝。聚星堂我祖所遺宅。初構。命我父司之。庀木石。架入窮谷。苦頓未

昆彩公墓誌銘

公諱慶霖。又名廣。字昆彩。太學生。先世婺源朱氏。自古僚公五傳至中孚公。宋  
 南渡初遷涇。又十八傳入

國朝諱明情。為公會祖考。諱文綸。為公祖考。諱武勳。  
 贈通奉大夫。祀鄉賢祠。則公考也。妣汪氏。  
 贈夫人。兄弟行。公居第四。其季則珩。大父公歿時。逮珩之生。垂二十年。今老成

凋落。罕能詳道者。猶憶大父言。少讀書。諸兄外出。惟昆彩兄理家事最久。奉嚴  
 君和戚黨。纖悉必周。有所入毫髮不自私。使我先在塾。後居漢陽。無室家憂者。  
 皆兄力。珩謹識之。弗敢忘。迨長。撰杖屨于伯父硯山公。伯父公冢嗣也。每向暝。  
 坐廳事前楹。俟稠集。語先人時事。間至深夜。眾咸去。珩猶悚息聽。硯山公曰。我  
 父性平易。遇事則奮。雖盤錯皆有條。處家以儉。布衣蔬食。泊如也。及鄉里災旱。  
 賑貸無少吝。聚星堂我祖所遺宅。初構。命我父司之。庀木石。架入窮谷。苦頓未



敢辭。費乏左措。右拄彌其隙。口率不均。或補以已橐。待人如春風煦物。厚工作踰常等。今述之有感泣者。珩曰然。曩嘗聞于大父。聞茲言益信。俄而硯山公沒。往迹多茫昧。涕堂之成亦幾及百年。然榱桷輪奐。斬焉若新。羣從猶錯列其間。攸芋攸寧。以長我子孫。烏可不思當日之勤垣墉而敷墜茨。爲大有造于後也。僉議以堂右夾歸公裔。讓者再卒歸之。嗚呼。君子穀詒。舊勞生慕。延歷數世。卽公之生平可知矣。公卒于乾隆十有六年十一月丙子。距生康熙四十年十一月庚寅。年五十有一。娶于胡。先公二十年卒。年二十有八。珩大母稱之以爲賢。繼以吳旋卒。再繼仍以胡。珩兒時比屋居。竊蒙愛憐。厥後歲時必入問安否。肫然藹然。故其視硯山公兄弟亦如已所生。後公三十八年卒。年八十。公有子三人。長卽硯山公。諱安池。布政司理問。

贈朝議大夫。次禹九公。諱安河。太學生。

贈儒林郎。元配胡出。次聖遇公。諱安渭。太學生。女一。適同邑趙君倩。再繼配胡。

出孫十五。芝。太學生。

贈朝議大夫。藻。太學生。莊州同知。以銜。

贈公儒林郎。祖妣安人。萃。太學生。芄州同知。藹。授九品銜。瓊國學生。候選未入。萱。蔭。萬。莢。萊。薇。雲。芄。俱太學生。曾孫三十八人。鑽。甲子科副榜。候選知縣。鑣。州同知。欽。鉞。俱太學生。鑾。附貢生。候選鹽大使。鈺。廩貢生。亳州學正。鉅。鏘。俱州同知。鍍。州同加四級。鑑。鏐。州同知。鏊。太學生。錦州同知。釜。鍾。銓。俱太學生。鈔。鏘。鏗。聰。澤。燧。註。秀。錠。環。杰。銀。賢。休。恒。烜。昌。頤。燿。恭。淦。德。元。孫四十八人。來孫九人。三配已別墓。今于某年月日。葬公某山之原。公孫存者藹最長。先期來徵銘。珩雖未逮事公。而遺行傳聞。猶得什一。非外人所及知也。乃銘曰。

侍公長嫡。如見公之容。緬公締造。猶見公之功。星聚于奎。庶以昌吾宗。若堂穹隆。銘茲幽宮。石永永不泐。子孫其逢。

賜進士出身。日講起居注官。尚書房行走。右春坊右贊善。前翰林院侍講。



姪孫琦謹撰

公諱慶霄字沛深先世自婺源遷涇會祖諱明情充鄉長順治間  
賜六品冠帶祖諱文綸早世父諱武勳  
馳贈通奉大夫入祀鄉賢祠大夫公有子五人公其季也少劬苦於學卒不得  
志有司遂棄去習賈漢陽然志不在賈也家少裕即告歸闢精舍積書其中延  
師課諸孫及羣從子孫公朝夕往視洒掃饌食惟謹每較藝令列一堂自督守  
之既成以請于師獎善黜不中程者歲率如是以終其身不懈蓋公自謙於其

沛深公墓誌銘

嘉慶二十二年秋翰林侍講朱君琦以其家將於是年之十有二月癸酉合葬

其大父母於本鄉路西冲之原乃序述行事而假辭於其友胡承珙且曰君本

邑人家不十里遙又姻親知之最真且悉也故以請昔柳子厚之銘魏府君也

曰居又同閭歐陽文忠之誌楊次公也曰其子不以銘屬他人而屬修者以修

言為可信承珙文不足以傳後顧未敢以不信辭於是按狀銘之曰

公諱慶霄字沛深先世自婺源遷涇會祖諱明情充鄉長順治間

賜六品冠帶祖諱文綸早世父諱武勳

馳贈通奉大夫入祀鄉賢祠大夫公有子五人公其季也少劬苦於學卒不得

志有司遂棄去習賈漢陽然志不在賈也家少裕即告歸闢精舍積書其中延

師課諸孫及羣從子孫公朝夕往視洒掃饌食惟謹每較藝令列一堂自督守

之既成以請于師獎善黜不中程者歲率如是以終其身不懈蓋公自謙於其



學之未卒業也。故嗜學如飢渴。視能學之士如寶珍。而望其後之人之學如望歲焉。憶予兒時。癸卯歲。江南省試揭曉。吾族雋者二人。而公孫今貴州巡撫。理亦於是年與鄉薦。里中咸嘖嘖曰。若祖能尊師傅。甚誠而有禮。故獲此。其識者曰。是有隱德而不曜。子孫將食其報。其後殆未可料也。當時竊心識之。以今觀之。豈不益信。公晚歲名德愈劭。一鄉推爲巨人長者。其他嗜義。一如其嗜學。然有族弟幼孤。母攜以適人。不相聞。百計訪求。竟歸之。爲授室。子嗣以繁。其誠懇有始終。類如此。今其家多以學致通顯者。又多好善樂施。予皆公教也。公娶於我族。夫人自始歸。公至白首受封。勤儉一節。其訓子若孫也。如公。其治家纖悉。凡公所不暇及者。胥賴之。配良嗣慶。於是乎在。公卒於乾隆四十六年七月十二日。年七十有八。由太學生以孫理貴。贈階通奉大夫。夫人後公十一年卒。年八十有七。贈夫人。子四人。長安沆。

贈儒林郎後公八年卒。次安淮。

贈通奉大夫。次安邦。

贈奉直大夫。次安桂。

贈奉直大夫。皆先公卒。女一。適太學生汪雲龍。孫瑤。廩貢生。理。乾隆丁未科進士。由翰林編修。歷任中外。至今官琛。布政司理問。琇。太學生。珏。早卒。瑄。布政司理問。琦。嘉慶壬戌科進士。改庶吉士。授編修。今官侍講。曾孫二十人。匡。太學生。臧。布政司理問。維祺。庠生。坤。太學生。廷魁。戊辰科舉人。候選府同知。煥。州同知。廷黼。廩貢生。光裕。州同知。第元。慶元。俱太學生。鼎元。附貢生。廷煥。惇元。俱太學生。贊元。庠生。蔚元。起元。延齡。恒元。憶元。葆元。元孫三十人。來孫五人。系曰。

在昔耆老。坐塾左右。以化其鄉。公適其幼。媚學是牖。昕夕黽皇。勤而不有。以惠厥後。厥後克昌。我銘其幽。如石斯壽。曰滋不忘。

賜進士出身。刑科掌印給事中。前陝西道監察御史。翰林院編修。庚午科廣東。



副考官姻再姪同邑胡承琪謹撰

景文公墓誌銘  
二十二年五月丙申年六月廿三日由太學主以于歸  
乾隆中余在翰林同邑朱上舍怡方以肄業來京師假館于余遂定交焉既申  
之以膠漆復重之以婚姻文史之暇情話日暱因得飫聞其先世名德所以發  
祥流慶穀詒後人者余固以藏之胸中矣既朱君得歛縣司訓以去不數年移  
疾歸竟卒道光元年其弟刑部郎中德懋方膺  
命出守南寧詣余辭且言曰先兄在日嘗以祖骸未窆為念公所知也茲營兆  
有期德懋將由便道趨視請公為文俾持歸揭諸墓余雖別朱君久追憶緒言  
歷歷如昨又姻戚也不獲辭因據今狀參諸臯所聞者序而銘之如左序曰  
公姓朱氏諱慶彩字景文邑東鄉黃田人也先世與徽國文公同祖至中孚公  
自婺徙涇凡歷二十二傳而至公會祖考諱明快祖考諱文緒考諱武容  
贈儒林郎妣俞氏繼妣胡氏俱  
贈安人兄弟八人公居長少貧服賈養親孝謹備至申年家稍起創建新第篤

景文公墓誌銘

二十二年五月丙申年六月廿三日由太學主以于歸  
乾隆中余在翰林同邑朱上舍怡方以肄業來京師假館于余遂定交焉既申  
之以膠漆復重之以婚姻文史之暇情話日暱因得飫聞其先世名德所以發  
祥流慶穀詒後人者余固以藏之胸中矣既朱君得歛縣司訓以去不數年移  
疾歸竟卒道光元年其弟刑部郎中德懋方膺  
命出守南寧詣余辭且言曰先兄在日嘗以祖骸未窆為念公所知也茲營兆  
有期德懋將由便道趨視請公為文俾持歸揭諸墓余雖別朱君久追憶緒言  
歷歷如昨又姻戚也不獲辭因據今狀參諸臯所聞者序而銘之如左序曰  
公姓朱氏諱慶彩字景文邑東鄉黃田人也先世與徽國文公同祖至中孚公  
自婺徙涇凡歷二十二傳而至公會祖考諱明快祖考諱文緒考諱武容  
贈儒林郎妣俞氏繼妣胡氏俱  
贈安人兄弟八人公居長少貧服賈養親孝謹備至申年家稍起創建新第篤



愛羣從務爲之所性豁達喜施與遇族中貧病或不能婚葬者必仗助無恡色嘗獨行經里中大溪值春潦暴漲波流箭激倚杓傾仄有墮溺者憮然嘆曰此地非大建石梁不能免病涉顧獨力難濟奈何歸而不怡者久之素不讀書而常喜振新文事既別築書舍延師以課其孫又欲率先郡士勸修學宮晚歲多病逡巡未果易篲日猶諄諄以此二事爲屬公歿後嗣君義園竟偕同族共玉成之遵公志也嗚呼觀公之所以屬嗣君及嗣君之所以繼公者固可謂作述相承一庭濟美然公家非素封廓然有此大志而其後遂能出數千金一一踐之不少爽古稱積德厚者流澤長茲非其效歟恭人胡氏以慈仁勤儉治其家常省穡食用伺公有善舉而贊成之故義聲益著近里有公域吉壤也族人將營葬會公遠客不及告恭人堅以身任奉公之祖考妣而安厝焉雖口語沸騰不爲動時家頗窘經費皆自拚擋卒以此獲福可敬也已公生於康熙四十五年八月癸巳卒於乾隆二十三年正月丙申年六十有三由太學生以子紹陳

州同銜

贈儒林郎復以孫德懋官階

覃恩贈奉政大夫

晉贈朝議大夫中憲大夫恭人與公同庚生於十二月壬子卒於乾隆五十二年八月丁酉年八十有二

封安人

覃恩贈宜人

累贈恭人子二長紹陳州同

覃恩贈中憲大夫次安越蚤卒女一適太學生汪耄孫六人怡廩貢生原任歙縣訓導

覃恩贈朝議大夫恒太學生

覃恩贈中憲大夫憶州同



封朝議大夫德懋廩貢生

授中憲大夫。歷官工部營繕司、虞衡司、員外郎、刑部福建司郎中。現任廣西南寧府知府。恪忻俱州同。曾孫二十四人：兆祥、吉祥、座祥、繼祥、拔祥、端祥、慶祥、樹祥、攸祥、觀祥、考祥、百祥、千祥、翦休祥、致祥、拱祥、傑祥、發祥、嘉祥、金祥、儻祥、芳祥、儼祥、元孫二十四人。宗元、余孫壻來孫五人。成綯、成紋。余外曾孫餘不能悉載。某年月日將合塋于某山之原。時距歿且數十年。蓋其慎也。銘曰：

聞善若驚。見善若渴。我思古人。有此風烈。晉篔楚續。樊券魯困。有弗遑圖。貽厥後昆。鬻舍如雲。川塗如砥。憬彼義聲。式茲道軌。魚軒耐矣。鴻案莊矣。佳城鬱鬱。弗祿長矣。

賜進士出身

誥授榮祿大夫吏部右侍郎 國史館副總裁前都察院左都御史兵部左侍郎內閣學士提督河南順天學政庚辰會試大總裁年家姻再姪吳芳培謹撰

舜奕公墓誌銘

余少時隨先君子僑居鳩江。地商賈駢坐。又為涇水入江處。故我邑人客於此者尤多。有朱君宜甫者。與先君遊頗習。間縷述家世。余旁侍。亦與聞之。嘉慶庚辰。余方在籍守制。宜甫來謁。出家狀。屬銘其祖母之墓。且曰：曩吾祖塋。未有誌。乞并誌之。辭不獲。乃為叙曰：公姓朱氏。諱棋。字舜奕。涇張香都黃田人。高祖諱浙。曾祖諱快。祖諱緒。考諱武容。

贈儒林郎。生八子。公居次。少失恃。事繼母以孝聞。克恭厥兄。友于諸弟。內外雍穆。無間言。志行惇篤。廉退自將。蓋里之醇厚君子也。妣吳孺人。性淑慎。順于尊。璋和于娒。娒。尤善以勤儉理家。公所以生涯淡泊。而常能優游適志者。內助之力為多。生丈夫子七人。其出嗣胞弟者二。孫曾林立。不具載。公卒乾隆己亥年十月己卯。距生康熙庚寅年正月丁丑。享年七十。於乾隆辛亥年。祔塋本里栗園。勘祖塋之右。孺人後公二十七年。卒嘉慶乙丑正月壬寅。距生康熙後壬寅



年二月庚申。享年八十有四。將以本年十月辛卯。葬于新豐都金雞壠之兆。銘曰。士生於世。庸可概論。不出鄉里。實稱善人。惟公悃幅。內行是敦。復有嘉耦。能敬且勤。萊叟蒙山。龐公鹿門。及爾偕老。息焉休焉。合葬非古。昔人所云。公塋故里。妣窆新阡。形魄歸土。魂氣在天。將安將樂。往來惠然。賜進士出身翰林院侍講學士前任廣西學政同邑潘錫恩拜撰

### 本源公傳

余族祖本源公。望重里黨久矣。公少先大父九歲。先大父性嚴正。遇人多落落難合。獨契公。公性和藹。然不可以非禮干。故兩相得也。逮余投經。暨應試。先大父輒命與公嗣太初叔偕。曰。此其父積德。後宜昌。由是往還亦最密。知公尤深。公太學生。持躬以慎。待人以仁。業賈家稍起。猶敝袍疏食。竟以此終其身。而獨好解推。每冬日。必散絮衣數十領。米數十斛。又多置材木。賙鄉之貧而艱樁者。衿纊悉具。或并擇地瘞之。餘梁道義舉。襄理不可勝數。客湘江時。翕然有朱善人之稱。事見邑志。至其排紛糾。恤災難。志未盡紀也。今雖歷年久。羣從僑寓其地者。聞商旅尙頌遺澤。嘗從兄岱宗公構書舍。曰。岫列軒。課子姓。讀其中。公或外出。先大父卽步至軒。促太初叔赴文社。比公歸。卽亦策勵余。絕不存畛域心。晚歲德器益粹。識不識悉無間言。壽七十卒。配汪孺人。御下寬恕。自奉約。賓至則飲饌必精潔。公羈遊數十載。內政井井。凡公施與。極意慇懃。咸推爲賢母焉。



族姪孫廩貢生瑤謹述

萬源公墓誌銘  
萬源公諱本字萬源世居涇之黃田村祖緒繼兄紳公子候選州同容爲嗣公考也妣俞安人公天性孝友三齡失恃事繼母胡得其歡心年十二居父喪哀毀如成人里黨異之少穎邁頭角嶄嶄就傳輒成誦洎食指繁遂廢學負米嚮絲往來阜城然造次必謹擇而踰兄弟八人公居六怡怡式好自幼至壯如一日平居無聲色之嗜無機械狙詐之習喜推解遇所得爲必盡力負者亦弗校自奉極約終身僅三易布袍以純袴爲恥歲饑族或經日不舉火公憂痾如切膚爲減殮傾廩濟之衆議平糶亦屢捐貲無吝色嘗創同善堂以調三黨拯卹危難惠糞獨鄉人有流厲西江旅櫬無歸者同儕擬購塚地給檣掩骼以費繁中止公急解囊成之其待

萬源公墓誌銘

朱氏爲涇川望族代有令德不替厥聞子若孫敦行善事崇昭世美流澤孔長非徒以纓組華腴炫耀世俗也道光甲申秋予告歸故里朱君錦章介其家珩楣二君緣通家之誼乞銘其先人萬源公墓不獲辭按狀公諱本字萬源世居涇之黃田村祖緒繼兄紳公子候選州同容爲嗣公考也妣俞安人公天性孝友三齡失恃事繼母胡得其歡心年十二居父喪哀毀如成人里黨異之少穎邁頭角嶄嶄就傳輒成誦洎食指繁遂廢學負米嚮絲往來阜城然造次必謹擇而踰兄弟八人公居六怡怡式好自幼至壯如一日平居無聲色之嗜無機械狙詐之習喜推解遇所得爲必盡力負者亦弗校自奉極約終身僅三易布袍以純袴爲恥歲饑族或經日不舉火公憂痾如切膚爲減殮傾廩濟之衆議平糶亦屢捐貲無吝色嘗創同善堂以調三黨拯卹危難惠糞獨鄉人有流厲西江旅櫬無歸者同儕擬購塚地給檣掩骼以費繁中止公急解囊成之其待



人寬厚而教子必嚴。有過撲責不少恕。嘗曰：艱深刻薄，非獨招忌，亦且損福。不願汝曹效也。公卒，乾隆四十八年十一月十三日。距生康熙五十五年正月十二日，年六十八。以子錦章遵例，不舉入公。遺疏曰：臣等聞公之訃，不勝哀悼。公之為人，忠厚無雙。贈儒林郎，復以孫凝杰遵例加級。蓋公之賢，皆亦與公同。奉命誄公，深望公之賢，亦與公同。贈奉直大夫，配倪氏。側室彭氏俱。公之賢，皆亦與公同。贈宜人子三：長安溥，九品銜。次即錦章，布政司理問。公之賢，皆亦與公同。贈儒林郎，係兄棋，四子入嗣。前卒。次即錦章，布政司理問。公之賢，皆亦與公同。封奉直大夫，三可。早夭。俱彭出女三。長次俱倪出。適胡三，彭出。適呂孫二，衡宣。布政司理問。安溥出。凝杰州同。錦章出。曾孫六：泰煦、泰興、泰和、泰仁、泰時、一銓。某年月日，將葬公于某阡。銘曰：公之賢，皆亦與公同。抱璞在躬，久而日彰。孝友自厲，扶植倫常。肫肫繆繆，志潔行方。策仁轡智，訓貽義方。君子有穀，厥後克昌。旗山蒼翠，湧水汪洋。維翁之德，積厚彌光。貞石可泐。

嘉名孔揚。

賜進士出身 太子太保 文華殿大學士 軍機大臣

予告在籍大庾戴均元頓首拜撰



道生公墓誌銘

從叔祖道生公歿之十年。會族方修支譜。其季子靜川將預撰墓誌。備家乘。且爲勒石儲。徵言於余。余於公孫行也。不敢以不文辭。顧生也晚。公又久客。操杖日淺。行誼多未悉。雖語焉。弗能詳也。謹綴緝所逮聞者。述而誌之。公姓朱氏。諱慶理。一諱昌。字道生。邑張香都人。先世自南宋時。由婺徙涇。傳至成叔公。凡二十世。卽今支譜之始祖也。成叔公傳五世。曰敬源公。爲公會祖。六世曰舜敷公。爲公祖。舜敷公三子。長閱臣公。卽余會祖。次仲錫公。又次爲允明公。則公考也。妣洪氏。生子三公。最少。聰穎說學。時允明公老矣。家苦貧。棄去。客漢臯。爲賈養計。子母所贏。輒以佐甘脆。力供子職。終親年。伯兄寶遭顛沛。老加笑獨。公事之盡禮。卒舉其喪。與嫂氏合窆焉。營新宅於里之徐村。門楣煥然。取先賢有子之言。顏其堂曰仁本。談者以爲名行相副。性崖岸。不苟合時趨。然從善徇公。每族中義倉減糶。及橋梁道路諸役。率捐厚貲。不少恡。人亦以此多之。嘗聞諸先君



子曰。公膽決人也。曩時成叔公墓畔。有隙地。堪輿家謂宜殯。莫敢先發。公居喪。遽創營之。衆大譁。屹不能搖。經始日。有雉自叢棘中。決起飛去。羣謂文明之兆。殯者接踵。成蒿里焉。公視先君三年長。先君歿。公始歸里。時老成人彫謝。畧盡。而公歸然獨存。每歲時趨謁。見公豪眉虬髯。曳朱履。負杖楹序間。且行且捋鬚。爲余輩道祖宗舊事。及少壯時艱苦狀。語亶亶不倦。聲若洪鐘。常私幸公矍鑠若此。期頤可捩契致。而天偏若靳數歲何哉。妣洪孺人。勤儉愛人。治家有法。公遠買不時歸。絜餐馨膳。堵柱門戶。多內助力。初公之適楚也。空囊羞澀。孺人啓奩。檢青蚨數百。佐資斧。乃獲就道。遂用是起家云。公卒嘉慶乙亥年十月己巳。距生康熙庚子年三月甲午。享年九十有六。以太學生膺朝廷養老銀幣之賜者數焉。人以爲榮。孺人少公一歲。先二十四年卒。子二。長廷首。太學生。次澄。卽靜川。邑庠生。女二。長適太學生洪有信。次適庠生鄭延齡。孫七人。曾孫十人。元孫二人。某年月日。將合葬於某山之兆。乃爲銘曰。

孝且弟。勇以義。天錫公壽而富。匪壽之券。而德之基。千秋萬歲兮。同穴於茲。嘉慶己卯 恩貢生候選教諭從姪孫作霖頓首謹撰



澤先公傳

公姓朱氏諱安潤字澤先奉直大夫炳章公冢子也性剛直待人有肝膽見有不善輒義形於色爲人體貌豐碩饒材智遇盤錯益見公叔仲起公精識鑒自幼卽器重之長客漢陽依舅氏習計然業當是時主計者歲苦折閱事勢渙散同舍有陰攫多金者羣言籍籍猜嫌滋積公乃摒擋已橐出所有償客負其後事白而公卒未嘗以是自多公家食指繁時仲起公主家政多方措置生計稍得贍公銳意樹立與從弟宗孔公經營圖度作客踰十年始一歸歸而復出久客如故宗孔公亦嘗十有三年於外同心竭力早作夜思家日日起厥後公嗣翔亭公又荃公繼事增廓堂構規模實基於公公年七十謝事歸里綜理家務巨細無不曲當生平篤孝友事父母咸得歡心弟瑞徵公嬰目疾養病家居自少至老相愛讓無間言視弟子如己子以教以養無弗均也其爲德於鄉閭尤厯意窮而無告者遇雨雪不時或歲除輒予以金若穀如是者垂三十年後人



遵而行之。至於今弗易。族有爲索逋所苦者。事孔亟。公爲償之。乃得解。人鬻地於公。公卽其地構宅。或甚其人求增直者。其人謝曰。吾久受若惠。勿忍爲負心語也。蓋公天性慈祥。推解周恤。出於至誠。子若孫皆奉以爲法。嘉慶間。翔亭公又荃公同以樂善好施。

旌於朝。公之夔訓。概可見已。公早年積勞過甚。晚病痿痺。偃蹇牀蓐者數年。第三孫相朝夕侍側。承奉起居。人以萬石君家法比之。公配查恭人。治家勤儉。嚴而有恩。平日疏布自甘。惟佐公教後人敦善行。孳孳不倦。公由國學生。勅封儒林郎。後以第五孫格。官戶部郎中時。膺覃恩。贈朝議大夫。

紹祖曰。天倫之樂。人無不欲得之。所遇不齊。羸此縮彼。求其備致者。蓋甚難。今以觀澤先公。雍容聚順。罔有虧闕。何其幸也。夫其上有詒謀。下能克家。躬處其間。兼盡厥道。昆弟羣從。又皆藹然和樂。共振家聲。固得於天者爲優。良亦植德砥行。有以迓之。故能歷久弗衰。今公之後。有策名於朝列者。有馳譽於庠序者。有濟美於世業者。習道藝。循禮法。隆隆未艾。易曰。積善之家。必有餘慶。不其信夫。公第二孫佩。與紹祖稱莫逆交。故於其家世爲最悉云。

道光元年保舉 召用孝廉方正候補訓導趙紹祖謹撰



廷衢公事畧

余自卅角來。及見族父老衆矣。未必有偉行照人耳目。而恪慎不苟。大抵有古風。若廷衢公者。亦其一也。公諱洗。字律三。廷衢其號。於考楷公爲冢子。生平躬躬如畏。待羣從。暨外締交。胥將以敦篤。而性實慷慨。好施與。因此耗其貲。不顧嘗服賈和州之運漕鎮。同邑議置館舍。貯貨物。備行旅憩息。然莫敢首發。公竭誠糾約。先捐金購地爲基。役克集。比老退歸。家漸窘。凡橋道善舉。力不能。輒咨嗟累日。又巽言諄勸。弗以有無引嫌。六世祖旗峯公。曩遺聽事。卽今敦睦堂故址也。公宅當其前。每度歲。雖輪值他支。必親詣掃室布席。豫立庭階。俟稠聚。旣罷。香燼燭哀。屏除唯謹。時公年已七十餘。不辭瘁。端居重念。詒謀乃顏其堂曰敬義。用示準的云。

論曰。制行之道。其敬與義乎。易言君子敬以直內。義以方外。敬義立而德不孤。下此則居家能敬。自無嘻嘻之吝。處世能義。自無斷斷之爭。豈不足使鄉黨稱



善士哉。公游市闌，乃深識此意。長孫靜安述語余，余謂子孫苟遵其遺訓，毋為  
踞弛，毋為囂凌，將和藹之氣，溢成嘉瑞，斯固公所屬望於後人者也。  
賜進士出身。日講起居注官。尚書房行走。右春坊右贊善。前翰林院侍講  
族姪琦謹撰。

公姓朱氏，諱安兆，字瑞徵。世居邑東鄉之黃田。大父  
贈通奉大夫東園公。敦行積善，入祀鄉賢。考  
贈奉直大夫炳章公。繼先人志，恢宏緒業，以厚德稱。公其次子也。幼穎慧，居貧  
弗克竟學。服賈豫章。佐父兄大其業。遇人率坦白無城府。介介不苟為。然諾人  
以是敬而暱就之。繼以嬰疾歸。遂家居不復出。朝夕侍二人，咸得其歡。與兄澤  
先公友愛異常。自少至老無間言。性和易，不以疾言遽色加人。人有善，恒津津  
道之不去口。公既養病多暇，頗討論藥物性體。因博覽古醫家遺書，及近人著  
述，參以耳目聞見，療治得失。久之遂精其術。鄰有病者，醫來或疑不能決，則就  
質于公。經公為之審定，輒奏效。人爭句公醫，顧持慎不輕諾，度不能却，始一往。  
既為視脈著劑，則日自詣視之。病已迺止。人無不感其仁。嘗刺取古書精語，鉤  
較而類居之，積有成帙。歿後多散佚。公歿春秋七十有一。子二：長春圃公諱蕙，

瑞徵公傳

公姓朱氏。諱安兆。字瑞徵。世居邑東鄉之黃田。大父

贈通奉大夫東園公。敦行積善。入祀鄉賢。考

贈奉直大夫炳章公。繼先人志。恢宏緒業。以厚德稱。公其次子也。幼穎慧。居貧

弗克竟學。服賈豫章。佐父兄大其業。遇人率坦白無城府。介介不苟為。然諾人

以是敬而暱就之。繼以嬰疾歸。遂家居不復出。朝夕侍二人。咸得其歡。與兄澤

先公友愛異常。自少至老無間言。性和易。不以疾言遽色加人。人有善。恒津津

道之不去口。公既養病多暇。頗討論藥物性體。因博覽古醫家遺書。及近人著

述。參以耳目聞見。療治得失。久之遂精其術。鄰有病者。醫來或疑不能決。則就

質于公。經公為之審定。輒奏效。人爭句公醫。顧持慎不輕諾。度不能却。始一往。

既為視脈著劑。則日自詣視之。病已迺止。人無不感其仁。嘗刺取古書精語。鉤

較而類居之。積有成帙。歿後多散佚。公歿春秋七十有一。子二：長春圃公諱蕙，







如總其事者四十餘年。又於祠內設義倉。定其條例。鳩資庇族。而窮民得其養。又於祠側建立文昌宮。宮之西。創立義學。棟樑榱桷。多方欣助。而秀士得其教。又於家宅旁。創議置家塾。手自經營。今所稱培風閣者是也。延名師。課經義。定甲乙。孜孜然樂此不倦。又於族內得後起之家貧而才俊者。羅致培風閣。以養以教。卒資以成名。是時又有近族某。遠遊無所歸。公百計訪得。成其室家。其人遂以一身承六世祀。一髮千鈞。公之力也。又有遠族某。以事訟他省。公捐金勸之回。并勸之學。卽補博士弟子員。公樂賑施。所費虞不支。而恒儉于己。素性淡泊。處之泰如。族中婚喪事。有尙繁縟者。公必力持之曰。縱力能爲之。勿尙也。顧性好山水。於游貲獨無所惜。晚年自黃山。九華。以及靈巖。天台。西湖。蜀岡。諸勝處。罔不到。到則浹月。盡其勝而後歸。歸而繪爲圖。以當臥遊。而題其堂曰。耕道山房。嗚呼。公之旨趣。亦可想見已。鄉人慕公之爲。繪爲五老圖。以傳其事。公旣老。子孫衆多。四代至百有餘人。以孝友世其家。亦多掇科名。入仕路。爲近代所

尠。而公一脫然無繫。卒之前。早屬家人曰。吾將於某日時歸真矣。屆期。果趺坐含笑而逝。族人感其德。哀思靡已。公請入孝義函。縉紳先生以下。皆肅衣冠。潔香酒。俵俵峨峨。接于道路。夫以一匹夫之力。義於鄉。而能入人之深如此。以此見公之獲福于無窮者。有以哉。有以哉。公生于康熙己亥年五月八日。卒于乾隆庚戌年五月三日。年七十有二。娶胡氏。性慈儉。多男子。皆親自撫立。愈傳愈盛。稱內助賢。乃余從祖姑也。子八。藩。太學生。贈奉直大夫。華。太學生。

贈朝議大夫。茂。布政司理問。蘇。太學生。

贈修職郎。菊。州同。苔。莘。俱太學生。菜。州同。加二級。女一。適洪。孫三十人。煥。廩貢

生。宿州學正。煜。太學生。

封朝議大夫。焜。布政司理問。燁。授九品銜。

封奉直大夫。煊。乙卯舉人。滁。州學正。灼。庚午副榜。毫。州學正。燁。太學生。烜。布政



司理問。煌太學生。任授九品銜。熾太學生。  
封朝議大夫。焯太學生。燾太學生。

封朝議大夫。焯太學生。焯太學生。逢吉。邑庠生。熾燻燦焯焯焯太學生。  
焯炳燾燾燾燾孫女十五。曾孫七十一人。宗慶。丁卯副榜。宗壇。州同。加四級。宗  
靡。州同。加二級。宗城。宗廠。宗庇。俱太學生。宗麻。邑庠生。元孫二十四人。今于道  
光某年月日葬公于某山之原。銘曰。

維福之原。清厚互權。厚則備物。清則得天。乃厚者之具足。而清者之獨兼。抑何  
乃公之不廉。德者福之基。維昔人之云然。又何疑焉。

道光五年二月三日舊史氏胡世琦拜撰

### 遵先公墓表

珩於丁丑秋既撰伯祖仲起公墓誌。迨從父遵先公將葬。兄學圃先丐胡君玉  
鏤銘之。復屬余爲表。余粗習毫翰。理不宜辭。竊追維公之生平。而得大端三。曰  
慎事親。曰懃育才。曰厚卹宗。至論標格。則又丰神超邁。而氣象轉形清肅也。仲  
起公祇生公一子。公因曩多服賈。致他出。闕溫清。請於考業儒。由是舉足不離  
親側。愉色婉容。愛敬交盡。考臨歿。戒用浮屠。有緣例爭者。公曰。遺命也。吾何敢  
背。竟永除。在喪獨宿靈帷。久而罔懈。聞者咸嘆息。仲起公素理祠政。公念先勞  
力肩任。興利剔弊。務臻美善。祠右建文昌宮。及義學。議率創自公。博求材。或屬  
公山。恣取弗受值。凡規畫胥繼考志。故身後感孚合族。迓主入不毀之函。與仲  
起公兩世輝映。宣尼所稱三年無改。而公直孜孜畢生。可謂孝矣。新園文會亦  
祠制。屆期公辨色興。促羣從暨孫偕往。終日督視無厭倦。社中某某等。構思頗  
遲。恒至深夜。同人稍引去。公堅坐俟。納卷畢。乃還。祖東園公裔。共設塾爲培風。



閣中亭舫營度出公手。羣居講肄外。間延村內賓朋。來戰藝。又嘗備酒肴。聚課廳事。余八九歲。卽與焉。猥蒙激賞。尋築旁舍。題耕道山房。而集東平憲王金徽國文公語。製楹帖。曰爲善最樂。讀書便佳。落成。約賦詩。傾遍流輩。我家宏獎秀士。確攄懇款。前惟先大父。後則公。蓋據已目覩而知之悉也。而公育才。更推及疎屬族。某資穎。苦貧窶。公招之。飲以膏火。俾從師。始獲成立。一涉訟遠省。公貽札致責。勸歸就學。踰年補諸生。若夫近支之艱娶者。完其婚。流寓者。訪得授之室。遂使數傳危緒。承祧母廢替。定義倉程式。惠矜寡。諄誘捐助。迄今攸賴。他善舉類是。卹宗之厚。卽斯可徵。嗚呼。鄉閭施措。世每視爲隘。且乏奇行。顧處事一誠耳。誠則無不動。勳望彪炳。必藉權勢。而飾貌矜情。實效殊尠。果悃幅蓄衷。隨地曲濟。放而準之。裕如也。如公春風煦嫗。將以樸。苟得臨民。從容展布。豈不克卓有樹立哉。然公意趣。耽書而遺榮。旁究青鳥素問之旨。逢秘冊一。瓶饋借。連夕繕錄。惟恐失。旣罷試。暇蒔葩卉。寫曠懷。黃海九子山。并吳越勝處。攜筇登眺。

蕭然忘返。少同友托硯僧寺。晚繪五老圖。人競瞻慕。比之放翁團扇。養性去圭角。而遇非分。則義形于色。介甚不問生產。倉儲偶匱。諸子窘。公持公家貲。屏絕假貸。其超邁兼寓清肅如此。公諱法。遵先其字。號是齋。貢生。以子茂銜。封儒林郎。子榮銜。

贈奉直大夫。生康熙五十八年五月初八日。卒乾隆五十五年五月初三日。公不佞佛。而疾初起。預知易簣。晷刻無少差。又似有宿因。然配胡。後公卒。子八。長潘。次華。次卽茂。次蘇。次菊。次苔。次莘。季菜。卽學圃也。孫曾繁衍。已百數十人。誌詳載。故不復贅。珩。卍角侍公。奉提訓。欽挹道軌。詮次懼疎畧。特條列件繫。以見公之不愧夫古人者。而顯揭諸高原。庶後進識所宗仰。時道光五年乙酉之仲夏。

賜進士出身 日講起居注官 尙書房行走右春坊右贊善前翰林院侍講  
姪珩謹撰







前茅久之始補弟子員。督學金海。住宗伯丞賞識。贈詩有鵠立一青衿之句。然公固沒榮利。遭考喪。慟曰。爭名娛親耳。今何爲遂不復試。以貢終而專事督課。旣構漱六齋。昕夕其中。合族築宮祀文昌。公營義學左側。親賦功。使鼓篋者有戒。弋獲。常言作事須問心。立身在行恕。植根樹基。莫要於是。晚歲繪心園栽培。圖自撰訓詞。闡發茲蘊。葉明經瑾。以爲契儒先存養省察之旨。自明王文成倡學東南。末傳設虛無。致墮禪宗。數百年來。詆訶紛出。諱言心性。不知陽明淵源。象山象山詮義利章。文公謂切中學者之病。近士大夫不免傷。正宜提醒本心。知覺毋昧。得公說以救庶幾中流之一壺矣。公風裁峻整。喜直惡諛。實樂易胸無城府。昔年侍几杖。猥蒙拂拭。今業不加益。摘毫傳公。恐未足質公於九原也。案馬班書。傳後有贊。卽論也。司馬貞史記索隱。以遷贊不安。別增韻語。范蔚宗後漢書。則有論復有贊。余雖任史官。顧於公族子也。又後進不敢置論。謹爲

贊用伸嚮往云贊曰。

夙仰公行。時聞公言。科第命也。作人惟人。館穀所儲。是日獎賢。羣從蒙澤。不私以專。學宗孟氏。此心常存。栽者培之。訓詞諄諄。詒厥後嗣。蔚然麟振。善匪責酬。感召自天。伊昔五老。繪圖乘山。遺跡尚留。往來白雲。

賜進士出身 日講起居注官 尚書房行走右春坊右贊善前翰林院侍講  
族姪珩謹撰



硯山公墓誌銘

嘉慶二十二年秋。琿爲伯祖昆彩府君誌墓。述從父硯山公遺語。蓋徵祖父者必自其子孫焉矣。况公老年盛德。言尤質。故可傳信也。久之。公塋亦有期。孫鉅等復屬爲誌。且以銘核公之行。實應銘法。何敢辭。乃追叙覩記著於篇。其世系則詳伯祖誌中。謹按公朱姓。涇張香都人。諱安池。硯山其字。昆彩府君三子。公居長。妣胡安人。早世事繼母吳若胡。色養備至。少習勞。既壯。持家政。竭心計。稍豐。輒推與弟共。自奉儉。不時服裘。深秋風颯。獵衣猶單。衿身削立。而精神強健。殆積鍊所致。喜飲。寒夜。躬煨鑪。温酒。往往缺肴。核旁置燭豆數十顆。引滿再酌。浩然若有得。及赴義。不啻饑渴。鄉隣周急救。荒建梁修道之舉。罔弗與。雖意所未可。或爲贊畫。多舍己從之。其胸無城府。樂取善如此。生平賈太倉之粟。塘誠信和謹。自邑中士大夫。下逮傭販。臧獲胥知公。公息肩歸。凡酬酢。仍書公名。以往育嬰堂者。嚶塘人舊設也。後收愈衆。苦難給。將廢。公自擊流離。飲千金。乃克



立歲丙辰太倉饑公在家聞之馳急足語羣從曰民賴矣吾業寄焉毋忽視可捐米五百石白有司助賑皆如命時大學士仁和費文恪公撫吳獎以額曰誼周梓里嗚呼俗之偷也親戚尠通假值凶歉黠者且幸災閉糴居奇漁財利自封激而變遂成劫奪矧客遊之地遙隔千里如秦越人肥瘠不相關而公獨坐籌發藏無藉敦勸可不謂之仁心達識乎哉公受職布政司理問以孫鍤銜馳贈朝議大夫生雍正元年九月辛巳卒嘉慶三年十月乙卯年七十有六元配汪恭人卒繼以彭又卒再繼以王後公十九年卒子三芝監生

贈朝議大夫先公卒藻監生後公一年卒萃監生亦先公卒一女適胡皆汪恭人生孫九鑽甲子科副榜候選知縣欽監生鉅鍤俱州同知芝出鑣州同知鉞釜俱監生藻出鏊鍾俱監生萃出孫女五三適胡二適洪曾孫十五元孫七葬某鄉某山之原珩生晚諸伯叔行見者殊寡惟侍公最久公性善記嘗談曩日艱難風氣樸恍聞三代時事今二十餘年耳而純龐之意纏綿固結藩籬共衛

之情又頗異前狀執筆銘公蓋未嘗不愀焉以嘆也銘曰

孝乎惟孝墳笕以和餘慶積兮善推自邇行轍所過人頌德兮力培經畝豕孫寵嘉惜屯塞兮鬱無不宣熾昌其宜後有獲兮古處衣冠可型可儀垂貞石兮賜進士出身日講起居注官尚書房行走右春坊右贊善前翰林院侍講從姪珩謹撰



道宗公墓誌銘

壬午秋。余下榻南州。進賢令朱蘊評同年。諉修邑乘。適其從弟椒園。設帳官廨。晨夕過從。締交最契。志告竣。匆匆話別。曾作長歌以送之。今年秋。椒園寓書京師。並述令祖考太學生道宗公。祖母胡太孺人。行畧。將合塋。屬爲銘。曷敢以不文辭。謹案公諱安得。道宗其字。昆弟六人。行居四。少靜默。寡言笑。而善承親意。仲兄昭孔公。甫踰冠卒。時嫂賀有身。公夜分焚香露禱。覬獲嗣。越二旬餘。遺腹子生。卽余年伯星倬公也。公喜躍。急報高堂曰。此子可大吾門閭矣。其天性淳摯。蓋如此。比長服。賈衡州。嘗渡江。遇暴風。舟欲覆。同舟者惶怖。公慰之曰。死生有命。靜以待之可耳。生平善惜物。自奉淡泊。然親故以急難告。應之無難色。初不責償。家漸窘。處之晏如。公雖不業儒。行事則闇與古人合。可以愧當世之號爲文人。而薄於內行者。惜天授其質與才。竟促其壽。豈五行祿命之說。別有故耶。配胡太孺人。飲冰茹蘖。垂五十餘年。嘉慶乙丑。已邀



旌典兼以蘭坡前輩作頌。鞠泮同年作啓。徧徵詩歌成帙。余不復贅。茲且就其  
闡德而詮次焉。太孺人幼爲養媳。十二齡侍姑瘡。輒能廢寢食。伏枕側喃喃。願  
以身代。鄉隣咸詫爲異。迨媪孀後。治中饋愈謹。夜則篝火鳴機。不少懈。值歲飢。  
貧戶無食粟者。太孺人經營斗穀。手舂飯老幼。而屑粟皮以自給。姪鍾甫公。少  
失恃。審察周摯。尤加意噢咻。立心愷悌。待婢媪無厲色疾聲。居恒拾故紙。緝鍼  
補綴。遇雨雪。給丐者首戴以歸。吁。何其仁也。方設悅之辰。子婦等用時俗禮。爲  
舉壽觴。卻勿御。性儉約。惟課孫必延名師。束脩出自十指。病草時。勗諸孫曰。汝  
輩讀書。思博科第。尤須明義理。寒素家。縱力不及物。而授徒効誠。亦陰德之一  
隅。勉旃毋怠。言罷。命梳櫛。整衣而瞑。是豈尋常賢母。言行偶合於道者可比乎。  
其講求學問中。蓋亦深矣。昔東坡爲大父廷評事狀。稱其制行甚高。今椒園暨  
弟巽軒。敦品詣能。文章讀其先人行畧。質直有體。倘援坡公例。闡發幽潛。自堪  
壽世。乃猶假手於余。殆以余性渾朴。不苟諛人。文雖未工。而詞或足信歟。公生

雍正丙午。卒年二十有九。太孺人與公同庚。卒年八十有三。子四。熙、強、俱早逝。  
英、范、俱授九品銜。孫三。凌雲、廷楹、俱庠生。賜祥、曾孫六。策林、士林、業儒。貫書、圖  
書、秋林、發林、元孫二。提成。鑠成銘曰。

祖德懋。家道興。節彌苦心益澄。詩書夔訓。子孫繩繩。積善之門有餘慶。視我銘  
詞左券徵。

賜進士出身翰林院編修己卯科順天鄉試同考官庚辰科會試同考官 記  
名御史善化賀熙齡謹撰



張香者先生之詩  
卷二十一

禹九公墓誌銘

余鄉風淳以質。墓曩鮮誌銘。近稍稍爲之。輒不願求外間達官。藉榮名相耀。故多假手於余。旣件繫從父硯山公事。而公弟禹九公。將營窆窆。族子鑾復請銘厥幽。竊惟古之製銘者。必有道德能文章。始膺斯任。珩何能爲役。顧欲使子孫有攷。且以防毀侵。杜爭訟。所關至鉅。其庸可諉。爰次而叙之。不敢有飾詞焉。叙曰。公涇人。張香都朱氏。諱安河。禹九者字也。爲伯祖昆彩公仲子。祖以上載昆彩公誌。不復贅。公與硯山公同出元配胡安人。幼失恃。硯山公九歲。公甫三歲。繼母吳性頗嚴。公稍長。卽知承順。無戚容。凡事約敕。少子弟之過。惟硯山公相爲左右。尋吳安人卒。再繼胡安人。慈祥有恩。公已壯。事胡一如事吳。無肆容。見者若忘其境之異。迨有弟聖遇。公友愛篤。財必與均。一如前此。硯山公之遇公也。昔人以車馬衣服。不改常度爲難。如公之處庭闈。險夷一致。亦何多讓。公綜密不爲苛碎。賈於廬江家日起。而佐父兄博解推。鄉里翕然稱賢能。惜設施未



竟歿年僅四十三。珩時在襁褓。不及親公儀。後乃與瑞雲兄習。兄蓋公冢嗣也。氣凝重。終日寡言笑。應務不禁。珩大母嘗言。五壽酷似父。才微歛。醇厚善容物。則真具體。五壽兄小字。大母喜其肯構。故呼以獎之。卽此而觀。公之行亦畧徵梗概矣。無何瑞雲兄並其弟惟遜先後歿。年俱不逮五十。視公無殊轍。而公之積仍未抒。豈天施於人。與人所自致乎。天固有其不可知者與。然鑾補弟子員。仕有階。弟鈺餼於庠。嘗司鐸亳州。他孫曾多讀書者。食報後來。用以彰大祖若父之業。殆鑾等是屬。余又因是而嘉鑾之請爲不虛也。公太學生。以子莊銜。贈儒林郎。生雍正七年十二月辛酉。卒乾隆三十六年十月己丑。娶胡安人。相夫以孝。公卒。訓子理家。胥有方。後公三十七年卒。年七十有八。子二。長莊。卽瑞雲。次芄。卽惟遜。俱州同知。女一。壻洪吉暄。太學生。孫七。鑾。附貢生。候選鹽大使。鈺。廩貢生。亳州學正。銘。鏐。俱州同知。莊。出。錦州同知。銓。監生。鏗。芄。出。孫女八。曾孫二十八。元孫六。今於某年月日。葬某鄉之原。重系以銘曰。

咳蘭茁叢。棣鄂韡。王能剖冰。姜共被。弱歲躬躬。性差似。肖形有後。稱繼體。騰駕中衢。竝摧軌。愍孫幾輩。鵬當徙。公之英靈。騎赤鯉。歛忽歸來。崑峯趾。高原藏魄。永碗礪。銘公者。誰公從子。

賜進士出身 日講起居注官 尚書房行走右春坊右贊善前翰林院侍講  
從姪珩謹撰



此處有極淡的墨迹，可能是另一篇傳記的殘留，但內容極其模糊，難以辨認。

漢侯公傳

余自閩丐歸之明年朱明經鉞述其先公義園君之行事。謁余為傳。余謂非國史而為私家作傳。必其有奇節偉行。為世所罕覩者。非是則不中文律。且余生也後。不獲接義園君。如昌黎之於盧東美然者。遂辭焉。而明經容甚感。請甚勤。以君行事已入邑志。而其家方輯譜牒。思所以不歿其親者。甚至余檢邑志。載君懿行。與明經所述畧同。重違其請。乃據以詮次之。為家傳。昇焉。君諱廷。字漢侯。義園其自號也。性孝友。事父輯五公。色養備至。昆弟三人。兄讀書。弟幼。君獨任生事。為門戶計。習廢箸。江漢間。家日裕。無私貨財。悉推與兄弟共之。羣從子。姓能讀書者。皆給膏火資。俾卒業。其與人交。重然諾。急難讓夷。始終如一。常客漢陽。有負逋多金者。度不能償。即焚其券。其忼爽多類此。所居曰施郵。君偕兄弟築室其間。承先人意。各村曰師儉。取子孫賢師。吾儉之旨。然儉于己。不儉于人。嗇于治生。而奢于為義。其素所志趨然也。以乾隆己亥年六月卒。年五十。



引者者身止言  
卷二十六  
歲子三人。長釗。次鏐。季則受業于余。今謁余而來請者。弑也。昌黎之誌東美也。謂其孫立曰。子之來宜也。行不可一二舉其大者。莫若衆所與。觀所與衆寡。茲可以審其德矣。吾於傳君也亦云。

舊史氏曰。吾觀鄉閭風俗之盛衰。卽一人之身。而數十年之間。其所聞見。有絕相縣殊者。豈不可慨哉。夫人於天屬。有隱然固結而不可解者。不以貧富異也。推財其末焉耳。乃吾自出游二十年而歸。而所聞見。有大異乎前者。向也同而今也各。向也厚而今也薄。雖其骨肉。或涂之人。不若大率視財之有亡。以爲親疎美惡耳。然則如義園君之篤于孝友。不私其財者。是固足以風矣。

賜進士出身

誥授中憲大夫。晉授通議大夫。前翰林院編修。國史館纂修官。庚午科廣東鄉試主考官。己卯科順天鄉試同考官。掌陝西道監察御史。工科給事中。刑科掌印給事中。分巡福建。延建。邵道。臺灣兵備道。兼提督學政。加按察使銜。胡承

拱頓首拜譔



希靖公墓誌銘

道光甲申秋。余解組南還。值朱靜齋中丞之孤廷魁奉其本生祖考希靖公行畧述中丞遺命乞誌墓中丞余同譜最密知公醇厚君子曩曾諾之不敢辭案狀公朱姓諱安沆字景李一字希靖系由婺源遷涇歷二十傳為公會祖諱文綸祖諱武勳以中丞官山東布政使

覃恩贈通奉大夫崇祀鄉賢考諱慶霄中丞撫貴州時

贈資政大夫祖妣氏汪妣氏胡前後

贈夫人公兄弟四居長累代潛德未耀考勵後進嚮文學甚篤而公善繼志門閭始大中丞伯兄已業儒時生計頗窘公又屢痛合原食指繁急需摒擋故中丞讀書有梘之者公曰但甘旨稍供我雖缺餽粥何害且吾父屬望之殷至不安寢而可合廢乎課益勤竟致榮顯蓋早具卓識如此先是公仲弟維揚公天折妻守貞愛中丞英敏欲立為後或謂公子當達君盍自畱公笑曰在弟猶在



我也。遂使承祧。公考素嚴。下屆耆齡。日復苦耗。公委曲承順。甫壯。卽屏絕塵事。專意侍養。晨羞夕膳。視寒暖罔間。出則撰杖維謹。公微嬰疾。研岐黃奧旨。緣考故未肯他往。宗族遘危症。延名醫來。轉請公商定方劑。公發議洞中窾要。多獲愈。貧戶踵門求治。必盡詳慎。仁心爲質。從不一受酬。美鬚髯。音吐洪亮。瞻顧有威。性踈儻。恥屑屑米鹽。凌雜貨。尙嗇。輒好施與。喜飲。每鄉鄰宴集。偕同祖諸昆季。豪氣震坐。館師健者。往往結羣。然恒紆步塾中。警情。尠寬借。蘭坡侍講。公穉姪。亦以勗中丞者。勗焉。侍講兩應童子試。弗售。乾隆丁未。將更赴郡。策之曰。再如脫白歸。何顏見我。旋補諸生。卽中丞登第之歲也。中丞前寓京邸。數載。入翰林。擬假省覲。公郵書戒止之。昔昌黎送歐陽詹。謂子不在側。而親心樂。抑或在側。而反不樂。公於中丞。繩遠到。殆同此意。固度越流俗哉。無何。僅踰年。公遽逝。謝中丞倉卒奔喪。余唁諸其舍。握余手泣言。他日卜壤吉。當煩君銘幽宮。比服闋。北上。兆域猶懸待。職守錄錄。亦乏暇。俄俱外除。宦轍相距。動七八千里。迄今

乃克執筆。而俯仰身世。浮蹤如夢。余垂老。中丞墓且有宿草矣。悲夫。公太學生。中丞旣貴。

疊贈朝議大夫。資政大夫。生雍正九年七月十三日。卒乾隆五十三年八月十三日。年五十有八。配胡夫人。先卒。繼配張夫人。後公三十一年卒。子四。長瑤。廩貢生。次理。卽中丞。丁未科二甲一名進士。起詞垣。洊升刑部左右侍郎。倉場總督。江蘇巡撫。終貴州巡撫。出嗣。次琇。太學生。次珏。早夭。俱配胡出女。三。金適。胡俱繼配。張出。孫九。匡。臧。俱州同知。維祺。庠生。廷魁。嘉慶戊辰科舉人。侯選府同知。煥。州同知。廷黼。廩貢生。光裕。州同知。廷煊。太學生。菊齡。幼。曾孫二十四。元孫十二。某年月日葬某山之原。銘曰。

秉姿淳懿。德斯彰也。玉版金匱。術克明也。多活窮頓。天必償也。仲爲仲嗣。鄂耐傷也。承考督肄。達巖廊也。苔岑之誼。銘茲藏也。近卅年事。諾未忘也。佳氣山其有餘慶也。



賜進士及第

誥授光祿大夫都察院左都御史前雲貴總督福建巡撫  
予告在籍年愚姪山陰史致光頓首拜誨

其年八月... 山陰史致光... 誥授光祿大夫... 賜進士及第... 予告在籍年愚姪山陰史致光頓首拜誨

又東公墓誌銘

自琦少壯時之得侍舅氏於母族者。則昆季行第五府君諱浪字又東其一也。舅兄弟六人。母嘗謂琦曰。爾五舅。蓋嗇於財而竺於義者。今之古人也。琦少而識之。長而得聞舅氏議論。及其行事所設施。皆大過人者。知我母之言之能得其實也。舅少有至性。事父母以孝。謹稱終其身於兄弟間。怡怡然。平居薄生人業。無所營。雖終窶。勿悔。家人析產。一惟命。絕無計較心。麤服糲食。泊如也。尤好周人急。人有以乏絕告者。赴之如不及。嘗曰。行善利物。祇吾此心而已。其力能為之分也。其力不能為之。亦分也。吾盡吾分。夫何歉焉。親族中有貧不能娶者。必多方謀之。得成而後已。且戒其家人曰。此宗支絕續。關係之綦大者。汝輩其力行之。以故其後人克承先志。繫惟舅氏命。其安貧而力於善。無論其力之或給與否。類如此。舅晚得痿疾。口期期艱於語。記琦丙辰下第歸。首問舅起居。猶告之曰。甥年少得科。偶一蹙。無足介意。以子之才。堅子之志。吾不愛子。



遠到也。忽旁視穉孫林立。喟然謂琦曰。吾不及見若輩讀書成立。其終用讀書以成吾志而已。嗚呼。言猶在耳。而琦他日之倖博一第。與其家孫他日掇科。皆去舅下世至十六年十八年之久。舅皆未及一見。悲夫。雖然。聞舅氏之言。以徵其行事。亦足想見舅氏之平生矣。復何憾乎。今年冬。其孫寶書以狀來。所敘述言行皆與合。且曰。余少背祖訓。祖父之所爲。多余不及知。曷就所知者誌而銘之。琦以舅家所自出。不敢辭。乃涕泣而誌之曰。舅系與徽國文公同祖。曾祖諱文綸。曾祖妣胡氏。祖諱武勳。贈通奉大夫。祀鄉賢祠。祖妣汪氏。贈夫人。父諱慶霽。贈承德郎。妣胡氏。贈安人。舅生於雍正壬子年閏五月。卒於嘉慶己未年二月。年六十有八。生前恩賜八品冠帶。例贈文林郎。初娶安氏。先二十八年卒。年僅三十有七。洎今鄉里傳其孝養。又娶趙氏。侍舅疾十餘年。無間言。人皆以爲難。後一十四年卒。年六十有三。男子三。長曰芸。九品銜。應贈文林郎。安氏出。次曰萱。九品銜。又次曰

### 豐源公墓誌銘

太學生豐源公者。諱先達。朱君宜甫之先考也。宜甫與恩先君有舊。嘗語及世。恩時在先君側。飲聞之。朱君云。本生先大父舜奕公。生七子。我豐源公最幼。時頭角豐盈。爲本生先大母吳所鍾愛。特念我祖槐公早喪。不及俟。舉。卽以公爲之後。未三載。所後母胡又卒。故公仍依本生父母以居。與親兄弟友于篤厚。有姜家大被之風。稍長。習貿豫章。勤敏自立。節辛力以佐甘旨。性惇樸。而才猷宏邁。經畫鮮失策。倚庇者靡不沐其惠。中年家日起。慕義強仁。施而不德。又嘗戒子弟曰。毋沾沾營利。必以詩書相勗。因偕從兄義園公置客館。郡中卽今新園別墅是也。堂室深廣。綽有餘地。俾族中應試者。所至如歸。興文教如此。恩竊歎公之創業。何其勤。用財何其當。遺後何其廉也。公素豐者。而疎于財。若是。豈非仁心以爲質者耶。恩近羈宦京師。不復面適君。以家修支譜。遣一介來告。欲借鄙言以信。今傳後。余有



昔既會銘其先大母吳氏矣。世系已詳前誌。不覆贅。茲特卽平  
詮次如右。公生乾隆六年二月廿五日。卒乾隆五十九年正月二日。  
四配鄭氏。尙健。子四人。長鉅。卽宜甫。次鎬。次鑑。次銓。孫七人。曾孫三人。  
葬矣。不可不誌。以載家乘。銘曰。

古稱四民。商爲末業。孔門高弟。乃有端木。史公有言。家貧親老。不以治生如仁。  
若考。惟公肇牽。克供洗腆。旣豐其昆。厥贏亦滿。匪贏之遺。而經之教。願言哲孫。  
從我所好。日月有期。逝將卽窆。於萬斯年。維公之宅。

賜進士出身翰林院侍講學士前任廣西學政芸閣潘錫恩拜撰

而好任卹。今於卒後。族中合議建豐備倉。時粟濟荒歉。輸貲以贊。遵遺命也。先  
是壬午歲。琿以嗣母年例陳情拜疏。雖出繼子無告養之條。亦聲明疏中。蒙  
聖主召對。垂詢兩母年狀。宣溫諭。趙太宜人親見五代。琿牒院長請旌。亦蒙  
俞旨。記云。婦順備。內和理。而後家可長久。此

寵榮稠渥之所由來歟。奉政君卒于乾隆三十五年正月六日。年三十有三。胡  
宜人卒於乾隆二十五年二月初一日。年二十有二。趙太宜人卒於道光四年  
閏月二十日。年八十有三。生丈夫子三。長琛。布政司理問。以琿階  
貤封奉直大夫。次瑄。布政司理問。亦以琿階

贈奉政大夫。皆先歿。次降服子琿。嘉慶壬戌科進士。右春坊右贊善。前翰

侍講。俱趙出女。二長適太學生胡世快。胡出。次適胡世咳。趙出。孫男十

第元。俱太學生。培元。琛出。惇元。太學生。贊元。邑庠生。恒元。憶元。瑄出。隆

元。太學生。鼎元。附貢生。蔚元。起元。邑庠生。葆元。琿出。孫女十二。



孫女十四。元孫男四。元孫女三。子姓繁昌。福德兼至。法當有銘。舉於鄉。余分校所薦士也。誼不容以衰老辭。謹序而銘之曰。

紫陽近系。方軌儒門。乃祖積善。嶽嶽鄉賢。五子同宅。聚星堂尊。堂西吉

崇垣。力疾肯構。成室美輪。顏曰思永。以啟後昆。釐爾女士。夫亡若存。子

孫又生孫。克揚前志。長沐

朝恩。穀睽寔合。鞏固且安。保世滋大。宏此刻文。

賜進士出身。護理陝西巡撫。陝西等處承宣布政使司布政使。致仕。通家侍生

陶山唐仲冕頓首拜譔

殿之公墓志銘

道光五年乙酉夏。涇縣朱贊善琦。將于某月合葬其本生考妣於其縣之某。以行畧乞銘於余。余謂禮典。出繼子降服於所生之親。仕者必丁憂治喪。誠重之也。往余報最入都。琦出雪夜。紉兒圖索詩。緣琦初生。多夜啼。其父奉政君方臥疾。母趙太宜人。慮擾病者眠。三更冒雪懷以適。比鄰節婦賀。又因切近姑室。則復紉之而返。余乃歎趙太宜人之賢孝。而琦毛裏之愛為罔極也。謹按奉政君諱安邦。字殿之。其先自婺源遷涇之黃田。祖諱武勳。公舉鄉賢入祠。以曾孫理貴。

馳贈通奉大夫。配汪氏。

贈夫人。父慶霄。太學生。鄉飲賓。亦以孫理貴。

累贈資政大夫。貴州巡撫。配胡氏。

贈夫人。君貌清癯。性英敏。謀慮無不中。同輩推讓。少業儒能詩。



有疾。次兄安淮弟安桂先後歿。堂上甘旨不足。迺棄儒服。買用桂。卽珩所後之親也。讀書穎異。患癆瘵。君友愛彌篤。及縣愒。君握其腕不起。當擇佳兒爲弟後。哭之慟甚。越九年而珩始生。彌月。君已疾亟。熟視趙太宜人曰。吾恨讀書未成名。是兒必能承吾志。惟弟亡時。吾有成言。今守貞俾嗣之。冀他日顯揚。以慰幽魂。以勸苦節。請於資政公夫婦。皆然之。出繼六旬。君遂卒。君習勤。不辭煩縟。以孝養故。必竭力。友于兄弟。死生以之。迨珩膺封典。所後與所生。皆被

恩榮。而君志願始得遂於九原也。自君卒後五十餘年。家政日理。子孫曾元。成立蔚起。則趙太宜人勤儉雍睦善承其夫子之志所致。君元配胡宜人。早卒。有一女。趙太宜人視如己出。待所遺老婢。雖別居。猶恩及之。教子必以義方。戒中鄉鄰爭務洽比。退讓性均一。凡公家布帛麻絲蠶繭之屬。分割咸服其平。自操作精潔整齊。有割肉必方斷。葱以寸之風。然撿技凌雜而惡苛細。服御儉約。

### 調元公傳

朱公諤。廷爲黃州別駕。浦振鐸於茲。託庇宇下。欽光儀者五年矣。頃之述封。調元公行事。屬浦作傳。載族譜。浦蓋恍然於天之報施善人不爽也。封翁於兄弟行六人。居最少。生而敏練。考宇清公。性坦易。不問生產。諸昆中又有早世者。乃託跡懋遷。走楚漢。獲貲以佐孝養。嗣是勤儉持家。不基式廓。饒有陶頓風。而慷慨好義。邑中置義倉。建學舍。暨道路橋梁。凡有興造。傾囊不稍惜。歲歉。議賑糶。尤踴躍樂輸。平時睦婣。任卹。厚推解。宗族戚黨。多待以舉火。卓哉富而好禮乎。妣胡安人。年將九旬。封翁遂不復出。奉甘旨維謹。比介壽。所以娛親者。蔑弗至。晚歲。與從姪嶽西公裔。別創新宅。曰慎德堂。徙居九載。卒。夫孝友者。致本也。忠厚者。享福之原也。封翁普慈惠。積厚流光。宜其享大耋。受皇封。而曾元繞膝。至數十人。冢孫豫章。業已登仕版。且浦之信封翁者。不於所聞。而實徵於所見。卽今別駕。始舉孝廉方正。繼膺半刺。洎



張香者先長子也。愛民若子。守已無異寒素。而義方垂訓。循循禮法。無執袴習。此則益見封翁之貽謀者遠也。封翁諱安衡。調元其字。本州同銜。以別駕官加封奉直大夫。

賜進士出身黃州府教授晚學生曹浦蓮拜撰

### 義園公傳

公諱紹陳。字義園。朱姓。涇張香都人。於考景文公爲冢子弟某。逮冠而天。時公外賈。慮考盡。遽歸侍養。不復出。考歿。事叔父如父。從弟從子悉如弟與子。先是公祖捐館。僅遺老屋數椽。菜畦零段。他無存者。公叔七人。率尠依賴。景文公躬創業。漸致饒裕。遂助諸弟俾完聚。而獨堵門戶。至公秉家政。叔暨弟已可自立。始議輪值。然猶承母意。各給朱提百兩。尊念二叔。齋食指倍蕃。別授之腴。田六畝。并所營崇德堂新室中之一區。係右首橫屋七間一路其餘婚喪必賙。生計迫竭。謀資贍。皆肫然述先志以厚其施。又築書舍。延師訓之。獎勤黜愆。無歧視。宅南三里許。曰蛟龍潭。受衆山之水。中礮礮若鋸齒。夏漲騰怒。板橋傾。或半渡輒隨波去。公考嘗憫焉。矢建石梁。公遂捐金千八百。倡議刻期成。永免顛溺。厥後湖陂。村邑之琴溪江子山諸要津。稱是郡學之新也。兼備歲修。工鉅甚。余家會祖園公以下五支。醵有差。公曰。學校育材。先府君遺命相勗。敢弗力。



公羸於六之一。宛郡郡試暨學使者試。人數盈萬。市廛直昂。有瞻公乃創購室一區。榜曰新園別墅。凡遠祖用鏗公裔孫。解裝若歸廓乎有容。湖洪北江前輩爲撰記勒碑。廣厦之庇。寒士歡顏。杜陵殆可願償。其餘義倉寡獨。歉秋助賑糶。前後累積幾窮九章術。而每冬發粟。復不惜百十石。嗚呼矣。惟公性樸。儀整肅。閭巷敬憚。尤具愷惻心。濟之豁達。故爲善恐不及。遇繁費舉咸跂公。公所輸多踰羣望。生平謂居家敦本最先。本何在。睦婣任卹是也。繩行於言。庶幾無愧。若夫開誠布公。畛域胥泯。倍見公之誼。余伯叔行與公共六世祖。懋遷欵約。似同懷。解推旣及近宗。由疏屬漸放乎塗路。今時勢歧議各出。且手足起凌競。則公豈不爲古之人乎哉。公卒於乾隆五十八年。年周甲。族黨迎主入孝義函。歷世不祧。雖非榮公。固感德之道宜然。然德之獲報。如長君怡曾司歛鐸。四子德懋守粵西南寧。孫鼎與鄉薦。他率採芹者。蓋亦遺經啓後。而不徒以財顯。公本授職州同。怡遵例。

芬國子監生。趙氏出。女子二。長適汪。次適胡。孫六人。長卽寶書。嘉慶丙子科第五名舉人。揀選知縣。曰篆書。曰綻書。俱早世。曰翼書。曰簡書。曰農書。尚幼。曾孫七人。曰載生。曰蕭生。幼殤。曰祥生。曰榴生。曰過生。曰養生。曰駢生。俱幼。銘曰。孰主張是。而寒至此。孰爲爲之。而樂振施。施有所不足。誰其以續。貽厥而多文。何如滿籬。匪損其智。而遺其義。是爲仁至。

賜進士出身 授奉直大夫前山東費縣知縣翰林院庶吉士己卯科山東同考官甥胡世琦謹撰



石泉公傳

余少時側聞父老言。三楚兩浙交口稱朱善人。不衰詢之。則族叔石泉先生。考本源公也。先生性孝。隆色養。能承厥志。絮寒粥餓。行弗怠。宗黨或艱。娶資聘財。其人舉子稍成立。輒背誦先生德。先生曰。吾儕居鄉。必以明人倫厚風。為第一務。又曰。世所傳治家格言。非出文公。然字字切身。遵守須即。首語始。孺人葉。崑勉同心。嘗中夜興。灑掃庭除。必整潔。先生遇禱慶。亦五鼓攝衣冠而俟。門內肅然。無嘻嘻者。曩力學。偕余伯兄拙庵相砥礪。往還最密。外此名才老宿。與馳驟文壇。梁溪秦端厓學使。善識拔。試補弟子員。屢困省闈。家又值。絕意進取。遊衡湘間。久之歸。課諸孫。經黎明適館。薄暮抱冊還。一鐙環。則施楚。由是惰窳。知奮譽。著鬢序。生平以正服人。同居聞履聲。咸起敬。訴一言。即冰釋。里有悍夫。勢橫甚。嗾先生鄰汪某。欲搆釁。頗憚先生。中。又傷其項。旋自剄。未殊。先生為理於邑。拳諸獄。數月。汪創。合。



後塗遇先生望望去弗敢仇也。合族公葬所曰栗園塲。地隘墻

桔槔。此俯彼仰。莫泯歆側。賴先生維持之。剖勸恒竟夕。乃克靖。時預

嘆爲不可及。敦睦堂之建也。謹先祀。篤親誼。先生倡焉。手定楹帖。惓惓

勿忘祖訓。文社期。終日端坐。無跛倚容。人盡飭。先生雖嚴重。素豪飲。少

抒磊砢。南樓老子。興復不淺。晚歲患目翳。觀空悟靜。篇章爲娛。顏其書

曰等樂。蓋取周茂叔命伊川尋孔顏樂處之義。故吟風弄月。詩格亦似之。其自

識句。撇閒愁。受清福。襟抱灑落。斯可想見。年六十有七卒。先生附貢生。名棻。字

太初。石泉者。近里許。泉出石罅。澄澈可鑑。用以署號云。

論曰。先生其有道者與。石泉在山湫勺耳。非長江大河。灌溉天下。而一鄉

澤。品味正。熱惱紛煩。投之卽解。殆似先生之爲人。岫列軒。先生書舍也。次焉

亭。茂才爲余友。得常侍先生。中間胡墨莊觀察。曾下榻。敦槃盛開。先生亦波

相酬和。今少衰歇矣。然每過從。南牕初闢。晴巒送青。灑灑水波。近繞檐外。樹陰

封奉直大夫。繼德懋官尚書郎時。

覃恩累贈至中憲大夫。兩君並習余。三子憶溫淳。有公風。諉作家傳。以余之珍。悉而語足傳信也。故書。

系曰。范少伯之陶托姓朱。三致千金而能散。史以爲難。公營造盼賚。數更倍蓰矣。陳壽吳志。又紀朱子範。輕財好施。是吾宗也。卓行如公。繼前軌。當亦立傳。夫人必居官。乃布惠。則途已隘。而世之仕宦。覬處脂膏。豐厚長子孫。徒益其過於鄉里。疾苦漠不關。抑獨何與。噫。

賜進士出身。日講起居注官。尚書房行走。右春坊右贊善。前翰林院侍講。教習庶吉士。族姪琦謹撰。



聖遇公墓誌銘

余曾祖以下諸父行。惟聖遇公少。老成典型。親炙久。音容固如昨也。今歿。口  
餘年矣。仲子琮請爲誌墓。公考昆彩公。暨兄硯山公。禹九公。皆先銘。乃復  
公諱安渭。號竹亭。聖遇其字。涇張香都朱氏。世系詳考誌。考喪。公纔毀齒。  
如成人。前妣胡。二兄所出。妣胡祇生公。又憐幼孤。拊蓄之備至。公亦左右承順。  
與兄歡愛。泯異腹哇。吟比長。賈豫章遇事坦率。不欲爭蠅頭。詡幹濟才。而厚德。  
聞遠邇。有外商竊肆中金。羣懼累。詞察頗得端緒。將搜獲自明。公曰。暖昧不  
知。苟抉瑕。卽畢生難洒。力遏衆嚷。解已橐補罅。而罷。昔明吉水羅循。失  
舍生舉匿者。告循弗切。公所行殆類是。長戚某逝。遺孀妻劇貧。公逐以  
夕。七旬完節。逮亡。衾櫛具。其子遠遊無方。尋訪累歲。竟歸。爲授室。并  
售者。使足贍。蓋公家不豐。而好施。亦天秉然也。世揚親美。務取  
彼此互屬。實誣甚。如公雖他罕稱。而茲二端。已可概生平。奚



鄉社酒兵。推職志。醉則笑言啞啞。從無忤色。含嬉茹真。恍視

常時貯。踰糜斗許。勤肄習。里黨凡興建。屆竣。公預出楣額。懸諸

構。屢更必工。而後已。於世緣殊淡泊。族多炫章服。而公闇然終太學

卒。嘉慶十有六年四月戊申。距生乾隆九年七月癸卯。年六十有八。

最溫惠。暱就余母。年三十四卒。繼以胡。御家有法。先公八年卒。年四十

以汪存子十。藹授九品銜。倪出。次卽瓌。候選未入。次萱。葆俱監生。萬從九品

早世。萊。薇。藝俱監生。芑早世。俱胡出。女二。長倪出。適胡。次胡出。適洪。孫二十二

孫女十四。曾孫五。曾孫女四。元孫女二。塋某鄉之原。銘曰。

行之淳。人共仰。心之不競。子孫所宜放。恒擗管若帚。勢能貫五丈。嗚呼。埋形

此壤。而神遊莽蒼。倘兜率宮成。當召公大書其榜。

賜進士出身 日講起居注官 尚書房行走右春坊右贊善前翰林院

從姪琦謹撰

凝綠浮漾眉宇。問當日牡丹尚繁艷否。人往風微。愴焉感懷。猶彷彿把樽酒奉

先生杖履時也。

賜進士出身 日講起居注官 尚書房行走右春坊右贊善前翰林院侍

族姪琦謹撰



PHOTOFILMED

強者者夕上之言

知三六



MICROFILMED



